



Wantok



Namba 1859 Wan Wik Epril 1 - 7, 2010

Niuspepa Bilong Yumi Ol PNG Stret! K1 tasol

INSAIT



Sabina's Corner
Pidgin - p11
English - p12

LNG Projek inap
karim hevi: Singarok
-p2

Ramu pipel pasim
kampani long tromoi
pipia - p3



Digicel LAKI SIM kad!

Yu gat Digicel SIM kad yu no yusim long sampela taim? Putim long fon bilong yu na sekim balens. Yu bai inap winim wanpela bilong 1000 moa ol fri top-ap prais!

Digicel

Stapela, Dwarpela moa Network bilong PNG.

Digicel Tems na Kondisen bai stap. Presim *120# na presim Send long sekim balens.

'Maski kot, larim mi bringim sevis' - Olga tokim Wingti

James Kila i raitim

GAVANA bilong Westen Hailans provins, Tom Olga i tokaut long aste (Trinde) olsem em i no wanbel long pasin bipo gavana, Paias Wingti i mekim long traim kisim win bilong em i go long kot namba tri taim.

"Mi save gat rispekt long dispela bipo praim minista na gavana, tasol nau mi nogat rispekt moa long em," Mista Olga i tok.

Em i tokaut tu olsem em i wok long wetim kot long mekim disisen olsem em wina tru long Mande, tasol kot i no tokaut yet.

Tasol ripot nau i kamaut olsem Mista Wingti i tokim ol loya bilong em long putim wanpela sabmisen long salensim gen dispela disisen.

Mista Olga i tok strong tru olsem kot i no makim ol lida. Ileksen tasol i makim ol lida na kain pasin Mista Wingti i mekim.

Oda bilong Suprim Kot, em bikipela kot long kantri i tokaut long Tom Olga olsem em ilektet lida tru bilong Westen Hailans Provinsal ilektoret.

Dispela bikipela kot i tokaut olsem ileksen risal we Nesenek Kot oda i bin mekim olsem win i no stret em Suprim Kot i rausim na tokaut olsem ol i rausim na

Mista Olga em memba tru.

Tasol long Tunde long dispela wik, ol loya bilong Mista Wingti i putim wanpela petitisen gen i go long kot long salensim gen win bilong Mista Olga.

Mista Olga i tok strong olsem Wingti mas larim em na em bai mekim wok long bringim ol devel-opmen sevis i go long ol pipel bilong Westen Hailans.

Mista Olga i tokaut olsem em yet i no amamas long wanem insait long las tripela yia kot tasol i mekim na em i no wok gut long ofis.

Em i tok kot i no save makim ol lida, ileksen na pipel i makim em na watpo na bipo gavana na bipo praim minista i go long traim hat tru long rausim em.

INAP NAU: Gavana bilong Westen Hailans provins Tom Olga i laik mekim wok tasol kot tasol westim taim. *Poto: James Kila*



LNG projek inap long kamapim hevi: Singirok

BIPO komanda bilong Papua Niugini Difens Fos, Meja Jeneral Jerry Singirok i tok dispela ges projek we ExxonMobil i go pas long em inap kamapim bikipela hevi long kantri.

Dispela hevi inap bikipela moa long hevi em kantri i bungim long Bogenvil.

Em i tok long ol toktok i kamap long wanpela sekyuriti kampani bilong narapela kantri i askim long bung wantaim Difens Fos bilong PNG i wanpela asua tingting tru.

Kain tingting sapos i kamap tru bai lukim kantri i bungim bikipela hevi tru.

"Kantri bai stap long mak nogut sapos ol sekyuriti kampani bilong narapela kantri i laik join wantaim Difens Fos bilong Papua Niugini."

"Ol (atoriti) i no was gut long wanem samting i wok long



TOK STRET: Ritaia Meja Jeneral Jerry Singirok, bipo komanda bilong PNG Ami.

kamap long we LNG projek i stap long em, dispela inap long kamapim bikipela hevi moa long hevi i kamap long Bogenvil."

"Bikpela prèt bilong mi em olsem mipela i wok long redim ples bilong kamap bilong wankain hevi i kamap long Bogenvil," Singirok husat i go pas long rausim Sandline ami long 13 yia i go pinis.

Em i tok Gavman i no lain long hevi i pas long bungim sekyuriti kampani bilong narapela kantri wantaim Difens Fos bilong kantri.

Dispela ol kampani bai wok long ol hap we ol bikipela projek olsem LNG projek bai stap long em.

"Nau mipela i gat LNG projek long Sauten Hailans na Gavman i tok orait long larim ol sekyuriti kampani bilong narapela kantri i kam insait long was long dispela ol projek.

Em i tok dispela ol sekyuriti kampani i olsem G4S, wanpela bikipela sekyuriti kampani long

wol we i no longtaim i kamapim em yet long kantri.

Mista Singirok i tok dispela kampani i nogat rispek long ol kastom na kastom bilong ol lokol manmeri.

"Dispela ol sekyuriti i brukim daun polis, Difens Fos taim ol i kisim ol gutpela opisa long fos long wok wantaim ol."

"Ol i kisim dispela ol opisa bikos ol i baim ol gut na i gat ol gutpela kondisen i stap."

"Wanem samting yu bai mekim sapos polis na Difens Fos bilong mipela em yu no inap long baim na lukautim?"

"Ol dispela opisa bai lusim fos na go wok wantaim dispela ol sekyuriti kampani," Singirok i tok.

Em i tok ol sekyuriti kampani bilong narapela kantri i kam long hia long wanpela as tingting tasol- long yusim olgeta strong bi-

long ol egens long husat sitisen ol manmeri bilong PNG i laik bagarapim gut wok bilong LNG projek.

Em i tok kamap na stap bilong ol sekyuriti kampani bilong narapela kantri bai kamap bikipela hevi bikos long sampela as.

Dispela ol as em:

- I GAT bikipela hevi bilong lo na oda long Sauten Hailans long dispela taim;
- PASIN bilong man i kisim gan i bikipela tru long kantri long dispela taim, moa long Sauten Hailans;
- I GAT hevi bilong lukautim boda bilong mipela wantaim Indonesia na
- GAVMAN i nogat gutpela luk-save na lukaut long strongim wok na stap bilong Difens Fos na ol arapela disiplinari fos long kantri.

PNG mas gat rekod buk bilong soim wok divelopmen: Se Puka

Paul Zuvani i raitim

MIPELA olsem wanpela kantri i save mak bilong mipela go long em o nogat?

Mipela bai i no inap save inap long taim mipela i gat rekod we i soim mipela long mak em mipela i stap long em na long mak mipela i go long em.

Long mipela i gat kain rekod I bikipela samting.

Dispela em toktok bilong Se Dokta Puka Temu, Deputi Praim Minista na Minista bilong Lens na Pisikol Plening long taim em i lonsim Distrik na Provin-sel Profail Ripot long Nesenel Risets In-

stitut (NRI), Waigani long aste Trinde 31 Mas, 2010.

Dispela ripot em NRI i kamapim bi-hainim askim bilong Se Puka long 2008.

Planti manmeri olsem ol hetman bilong Dipatmen, savemanmeri bilong ol yunivesiti, mausmanmeri bilong ol provins, praivet sekta, mausmanmeri bilong ol kantri, sivel sosaiti na ol niusmanmeri i kamap long harim na lukim lonsing bilong dispela ripot.

Long taim bilong lonsing Se Puka i tok inap long taim kantri i gat kain ripot ol lidaman na pablik sevans bai i no inap save wanem ol samting ol bai mekim na

mak ol bai mas wok go long em.

"Ripot tru bilong kisim em i no Nesenel Risets Institut i mekim tasol ol i bungim ripot we ol arapela opis na oganaisesen i gat long em na olsem ol i kamapim dispela buk."

"Dispela ol opis em opis bilong Nesenel Senses, Senses ol skul i mekim, Demograpik Helt Sevei na arapela moa ol opis."

"Mi laikim tingting olsem Nesenel Risets Institut i mas stap olsem sentral opis bilong kisim ol data o infomesen na tokaut long dispela ol rekod o ripot long jeneral pablik na ol arapela opis I pas long dispela wok.

"NRI i ken tokaut long wanem ol bikipela toktok long kamapim na tokaut long ol ripot

o soim ol rekod bilong tude stret we bai helpim ol lidamanmeri na sinia pablik sevans bilong kantri long wok go long em."

"Na kain wok i givim salens long wan wan ol distrik na provins long ol i ken soim ol sekta we strong bilong ol i stap na long ol sekta ol i mas wok hat long divelopim," Se Puka i tok.

Em i tok em i save olsem planti gavman dipatmen na ejensi long kantri i wok long kisim kain ripot o rekod olsem long ol distrik na provins level na dispela ol ripot i kamap bi-hainim hatwok ol i mekim.

Wantaim wokbung bilong ol ejensi em inap long lukim olsem kamap bilong dispela ripot i ken mekim wok bilong divelopmen i kamap isi bikos



AMAMAS: Mista Edai soim pepa ol i sainim wantaim Steamships long pasim tok. *POTO: Andrew Molen.*

manmeri i save long hap we wok i mas kamap long em.

Se Puka i askim tu ol oganaisesn na ejensi long ol i mas lukim dispela ripot na traim kamap wantaim ol arapela gutpela opis long wok bung wantaim NRI bai gutpela rikod bai stap long em.

Ol papa bilong wara i amamas

Andrew Molen i raitim

OL papagraun bilong wara Gopi long Balimo long Westen provins i amamas long wanpela wokbung ol i kamap wantaim Steamships Shipping.

Dispela i lukim Steamships i baim ol long em i save yusim wara bilong ol long karim ol samting i go i kam.

Nau ol papagraun i laik bai ol arapela bikipela kampani tu i mas mekim wankain.

"Mipela i laik bai gavman na

ol arapela kampani na bot tu i mas baim ol papagraun long ol wara bilong ol we ol i save yusim," mausman bilong "Gopi Waterways Passage Investment Ltd," Justin Larry Edai tok.

"Sapos Steamships i ken mekim dispela orait mipela laik save, 'Gavman i mekim wanem?'" em i tok.

Steamships i baim ol dispela papagraun bilong wara Gopi long Januari dispela yia long soim amamas bilong en long yusim wara bilong ol long

mekim wok bilong en.

Mista Edai tok wara em hap bilong ol busgraun na em save bagarap taim planti ol bikipela sip i go i kam long em.

Long dispela as ol bikipela kampani na gavman i mas baim ol papagraun long yusim ol wara bilong ol olsem rot.

Em i tok gavman i gat planti dinau bilong graun i stap yet long ol papagraun bilong dispela hap na tu long ol arapela hap insait long provins tasol em ino stretim ol yet.

OXFORD, TOK PISIN INGLIS DIKSENERI

Kaitim, na pulimapim oda fom daunblo na salim i kam long Wantok Niuspepa sapos yu laik belim dispela Oxford Papua Niugini Dikseneri (Dictionary) we Wantok na Oxford i wok bung wantaim long kamapim. Dispela buk i ken helpim yu lanim Tok Pisin i go long Inglis, o Inglis i go long Tok Pisin. Harap na kisim wanpela bilong ol dispela gutpela buk we inap strongim Tok Pisin bilong yu.

ORDER FORM

ITEM	QTY	PRICE	TOTAL
PNG Tok Pisin English Dictionary	1	\$78.00	\$78.00

Subtotal: \$78.00
GST (10%): \$7.80
TOTAL: \$85.80

Address: Wood Publishing Company Ltd, 111-113, 115, 117, 119, 121, 123, 125, 127, 129, 131, 133, 135, 137, 139, 141, 143, 145, 147, 149, 151, 153, 155, 157, 159, 161, 163, 165, 167, 169, 171, 173, 175, 177, 179, 181, 183, 185, 187, 189, 191, 193, 195, 197, 199, 201, 203, 205, 207, 209, 211, 213, 215, 217, 219, 221, 223, 225, 227, 229, 231, 233, 235, 237, 239, 241, 243, 245, 247, 249, 251, 253, 255, 257, 259, 261, 263, 265, 267, 269, 271, 273, 275, 277, 279, 281, 283, 285, 287, 289, 291, 293, 295, 297, 299, 301, 303, 305, 307, 309, 311, 313, 315, 317, 319, 321, 323, 325, 327, 329, 331, 333, 335, 337, 339, 341, 343, 345, 347, 349, 351, 353, 355, 357, 359, 361, 363, 365, 367, 369, 371, 373, 375, 377, 379, 381, 383, 385, 387, 389, 391, 393, 395, 397, 399, 401, 403, 405, 407, 409, 411, 413, 415, 417, 419, 421, 423, 425, 427, 429, 431, 433, 435, 437, 439, 441, 443, 445, 447, 449, 451, 453, 455, 457, 459, 461, 463, 465, 467, 469, 471, 473, 475, 477, 479, 481, 483, 485, 487, 489, 491, 493, 495, 497, 499, 501, 503, 505, 507, 509, 511, 513, 515, 517, 519, 521, 523, 525, 527, 529, 531, 533, 535, 537, 539, 541, 543, 545, 547, 549, 551, 553, 555, 557, 559, 561, 563, 565, 567, 569, 571, 573, 575, 577, 579, 581, 583, 585, 587, 589, 591, 593, 595, 597, 599, 601, 603, 605, 607, 609, 611, 613, 615, 617, 619, 621, 623, 625, 627, 629, 631, 633, 635, 637, 639, 641, 643, 645, 647, 649, 651, 653, 655, 657, 659, 661, 663, 665, 667, 669, 671, 673, 675, 677, 679, 681, 683, 685, 687, 689, 691, 693, 695, 697, 699, 701, 703, 705, 707, 709, 711, 713, 715, 717, 719, 721, 723, 725, 727, 729, 731, 733, 735, 737, 739, 741, 743, 745, 747, 749, 751, 753, 755, 757, 759, 761, 763, 765, 767, 769, 771, 773, 775, 777, 779, 781, 783, 785, 787, 789, 791, 793, 795, 797, 799, 801, 803, 805, 807, 809, 811, 813, 815, 817, 819, 821, 823, 825, 827, 829, 831, 833, 835, 837, 839, 841, 843, 845, 847, 849, 851, 853, 855, 857, 859, 861, 863, 865, 867, 869, 871, 873, 875, 877, 879, 881, 883, 885, 887, 889, 891, 893, 895, 897, 899, 901, 903, 905, 907, 909, 911, 913, 915, 917, 919, 921, 923, 925, 927, 929, 931, 933, 935, 937, 939, 941, 943, 945, 947, 949, 951, 953, 955, 957, 959, 961, 963, 965, 967, 969, 971, 973, 975, 977, 979, 981, 983, 985, 987, 989, 991, 993, 995, 997, 999.

FAX BACK TO: (675) 325 2579

Ramu pipel pasim kampani long tromoi pipia

Neville Choi i raitim

“SAPOS gavman i laik bringim wanpela divelopa i kam insait, em i mas was gut long bagarap bai kamap na em i mas bihainim ol lo em yet i kamapim long palamen. Em i noken mekim nating long bihainim laik bilong divelopa.”

Dispela em i toktok bilong Sama Mellombo, Len Grup Siaman bilong Pommern Inkooporetet Len Grup. Em i makim ol papagraun husat i bung wantaim ol arapela papagraun husat i kirapim kot long pasim kampani i go pas long sanapim Ramu Nikel projek bai em i noken silipim paip bilong pamim pipia i go insait long Basamuk Be solwara.

Las wik, Sama na narapela 4-pela lain asples grup insait long dispela kot i bin win taim Nesenol Kot Jas, Jastis Cannings i strongim askim bilong ol bai kampani i no inap go het long silipim dispela paip.

Dispela kot disisen nau i stap inap 17 de pastaim long kot i sindaun gen long Epril 12.

Inap dispela de, Sama na ol arapela papagraun husat i kirapim dispela kot, i wanbel na kisim strong olsem ol i gat sans yet long banisim gut busgraun na moa yet, solwara bilong ol.

Moa long 200 manmeri long olgeta ples raunim Basamuk na Ramu i bin kam daun long protes o autim belhevi bilong ol ausait long Madang haus kot.

Belwari bilong ol dispela lain manmeri i klia – ol i no laikim kampani i pamim ol pipia bilong wok maining i go insait long solwara bilong ol long Basamuk.

Insait long haus kot, kampani i go pas long projek, Chinese Metallurgical Corporation (MCC) i bin strong olsem taim i sot, na ol bai lusim bikpela hap mani sapos ol i no silipim rot bilong



PROTES: Ol lain manmeri long Madang i protes ausait long haus kot.

pamim rausim pipia bilong wok maining.

Ol i askim kot long hariapim skelim bilong kes, tasol loya i makim ol papagraun, Tiffany Nongorr i tok em i hat long hariapim, bikos i gat planti ol papagraun yet i stap long givim evidens.

Kot i sapatim tingting bilong ol papagraun, na makim Epril 12 long sindaun gen.

Namba wan astingting bilong ol papagraun, em ol i gat bikpela wari tru long ol pipia bilong main i bagarapim solwara na ol abus i stap long Basamuk Bei.

Maski kampani i tok em bai yusim narapela rot long pulim dispela paip, we em bai no inap long bagarapim ol rip, ol papagraun i no laikim paip bai go insait long solwara.

Ol manmeri i bin sanap ausait long haus kot i tok strong long belwari bilong ol.

“Mipela olgeta i yusim wanpela solwara na mipela olgeta i gat rait long kam nap rotes na givim tingting bilong mipela lo gavman bilong mipela. Ol dispela MCC i kam, ol i no luksave

long belwari na krai bilong mipela long solwara bilong mipela,” wanpela mama bilong ples Rivo i tok.

Michael Kasuk, narapela papagraun bilong Ramu, i tok olsem, “Wanem samting gavman i mekim, em i no kam kisim tok orait long mi papagraun. Olsem na mi lukim wanem kain nogut bai kamap na mi gat olgeta rait long kamaut na tokaut long pablik.”

Michael na ol arapela lain i no laikim pipia bilong main i go long Basamuk i luksave olsem sapos ol i no opim maus nau, bai ol i lusim solwara bilong ol.

Ol i lusim graun bilong ol pinis, na nau, ol i pret long lusim solwara bilong ol.

Kain wok kampani i laik mekim long pamim pipia i go insait long dip solwara bilong Basamuk, em ol i kolim Di Si Telings Disposal, o we bilong rausim pipia bilong wok maining.

Planti long ol dispela pipia, em ol i ken kilim ol rip, pis na olgeta kain abus i stap insait long solwara.

Bikpela luksave long wol, long dispela rot bilong pamim rausim pipia bilong ol main, em ol kampani i save laik yusim, bai ol i ken haitim ol dispela pipia long ples we i nogat man i sindaun long en.

Tasol ol hevi bilong dispela ol pipia nogut, i ken kam bek na bagarapim ol man tu.

Pasin bilong yusim Dip Si Telings Disposal, em i no nupela samting, ol i yusim long Lihir Main long Nu Ailan, na long Misima Main long Milen Be, tasol ol birua bilong em, i bikpela moa.

Long Basamuk, bagarap i ken bikpela moa, long wanem i gat planti kain kain tait aninit long solwara, we i ken pulim ol dispela pipia i kam antap long ples we planti pis na abus bilong ol manmeri i stap long en.

Nau yet, ol papagraun bilong Madang i wetim tasol Epril 12 long kot i glasim gen askim bilong ol. Kampani tu wet i stap, long traim hariapim kot bai wok i ken go het. Wanpela i wari long mani em i tromoi, na narapela i wari long solwara na bihain taim bilong ol.



Listas trenin bai kamap long kantri

Sensus 2010 bai kamapim wanpela bikpela trenin bilong ol listas na mepas stat long neks wik long olgeta provins long Kantri, long Bogenvil rijin i go long Hela rijin long Sauten Hailens na Milen Be i go pinis long Sandaun provins.

Ol masta trena bilong Nesenol Statistikal Opis (NSO) hetkwta long Pot Mosbi husat i bin kisim wanpela bikpela skul bai trenim ol man na meri husat bai makim wanwan Lokol Levul Gavman (LLG) eria bilong ol yet long provins.

Bihain long ol dispela man na meri i makim wanwan LLG kisim trenin pinis, bai ol i go long wanwan LLG eria na trenim gen ol man na meri makim wanwan sensus yunit long mekim wok listin na stretim gut gen ol mep bilong wanwan sensus yunit.

Dispela ol listas na mepas bai rekotim hamas man, meri, lapun na pikinini i slip long wanwan haus long wanwan sensus yunit.

Ol mepas bai stretim hamas nupela haus i bin kamap long ol olupela sensus yunit na hamas nupela haus i stap long ol nupela sensus yunit o viles.

Sapos dispela listin wok i kamap gut, em bai soim olsem sensus tu bai i kamap gut. Dispela listin ekksesais bai helpim ol wokmanmeri bilong sensus long save hamas sensus fom long prinim na tu bai givim save long hamas sensus ofisals long rikrutim long mekim wok sensus tru.

Yumi mas save tu olsem ol wokmanmeri bilong sensus i gat rait long askim na kisim bekim bilong yu long taim bilong sensus. I gat lo ananit long Nesenol Statistikal Ekt i askim olgeta man na meri long wok bung wantaim ol sensus opisals long mekim gut wok sensus.

Dispela listin na mep apdet ekksesai bai stat long mun Epril na pinis long mun Mei. Na noken lus tingting gen, sensus bai stat long de 11 na pinis long de 17 bilong mun Julai.

Nestlé MILO

KAMAPIM CHAMPION BLO YU!

MILO Actigen-E

Givim Sans

Bustin Anzu i raitim

MERI i gat nem long mekim wok wankain olsem ol man i save mekim long kamapim o kirapim kantri.

Long ol bikipela opis long mekim wok olsem kuskus o sekreteri bilong ol menesing dairekta, supavaisa long wanpela faktori o mekim wok mekanik long wanpela maining kampani, olgeta em long kirapim kantri.

Planti kampani na gavman dipatmen i bin luksave long wok bilong ol meri insait long kantri na givim sans long ol meri long kisim ples bilong ol man na ol meri i mekim sampela senis insait long ples wok bilong ol.

Long Royal Papua Niugini Konstabuleri (RPNGC), ol polismeri i mekim sampela ol bikipela wok we pastaim ol wanwok bilong ol, ol man tasol i holim. Olsem na planti meri nau i holim ol sampela bikipela wok long sampela seksen bilong polis fos insait long dipatmen.

Long Lae, bik taun bilong Morobe provins, ol polismeri i kisim luksave na mekim wok long polising olsem sampela lida meri.

Asisten Komisina bilong Polis (ACP) na Momase polis bos Giossi Labi i tingim olsem long senis bilong kain taim olsem, ol polismeri mas sanap na mekim wok wankain olsem ol man long polising.

"Ol polismeri i mekim sampela ol bikipela wok long polising, wankain olsem ol wanwok bilong ol, olsem na long Morobe, ol i luksave

long dispela na givim sampela ol wok long ol meri long go pas," em i tok.

Em i mekim dispela toktok bihain long witanesim presentesen bilong ki bilong wanpela nupela polis haus, we Lae siti polis bos Sif Superintenden Nema Mondiai givim igo long OIC Bareks Polismeri Pauline Siaguru long Tunde dispela wik.

Siaguru, wanpela polismeri, husat i gat 26 yia long wok polis save lukautim olgeta polis haus insait long Lae siti. Ol dispela polis haus em long Bumbu, Tensiti, Is na Wes Taraka na 3 Mail.

Siaguru i tok amamas long Labi wantaim tupela bosman bilong polis long Morobe, Sif Superintenden Nema Mondiai (Metsupt) na Peter Guinness (PPC) long dispela luksave long wok bilong ol meri, long EEO.

Ol narapela polismeri insait long Lae husait i igo pas long sampela wok wankain olsem ol man em Sif Sajen Maria Euga, polis stesin komanda bilong Saina taun polis stesin, Sinia Sajen Cathy Rimbao (2IC Internal Investigation Unit) na Sajen Dianne Aiam, husait i lukautim wok CID long Kaiapit polis.

Kopul Elsie Kawage (OIC Police Juvenile Justice), Sinia Konstabel Sare Irafa (OIC Break-In bilong CID) Kopul Dulcie Siaguru (Admin Officer bilong Metsupt) na Sinia Konstabel Karitas Vangar (OIC CID, Bulolo) em ol narapela meri.

Labi i tok polis fos i save sapatim ol polis-



GIVIM KI: Mondiai (r) i givim ki bilong nupela haus igo long Siaguru taim ol narapela sinia opisa wantaim Labi (wantaim aiglas) i lukluk.

meri long wok bilong ol na skelim olsem ol meri i wankain olsem ol man na taim ol i givim wok olsem igo long ol polismeri, em bai kirapim tingting bilong ol long mekim wok strong long polis fos.

Dispela haus bilong ol sinia polis opisa em Lo Jastis Sekta Program (LJSP) i sapatim wantaim K300, 000 na JBJ Entaprais bilong Lae i wokim insait long 12 wiks.

Papa bilong JBJ Entaprais Jacob Bernard Jarne i bin givim ki bilong haus igo long Diputi Polis Komisina (Administresen) Tom Kulunga long las wik na ACP Joab Mangae na Labi na Provinsel Polis Komanda Superintenden Peter Guinness na Superintenden Oporesen Superintenden Sylvester Euga i witanesim long las wik.

Long las yia, Nesenel Gavman i bin skelim K50 milien long polis long wokim ol polis haus na ol ples olsem Wau (Morobe), Pongondetta (Oro) na Mount Hagen (Westen Hailens Provins) i bin lukim sampela nupela haus bilong polis.

Long dispela taim, Kulunga i tok haus em wanpela problem insait long polis na dipatmen i kisim taim long daunim hevi bilong haus na kain helpim bilong LJSP em i bikipela samting long dipatmen.

LJSP i wokim narapela 7 pela wankain haus long ol narapela provins na tupela bilong ol dispela haus, em long Vanimo (Sandaun) na Mount Hagen (Westen Hailens) em JBJ Entaprais i winim kontrak long wokim.

Sir J bilip long humen risos bilong Nu Ailan

Sape Metta i raitim

OLPELA Praim Minista na nau gavana bilong Nu Ailan provins, Se Julius Chan, i tok kliia olsem humen risos em i namba wan samting provins bilong em i lukluk long strongim.

Se Julias husat i bin kamap long paitim toktok wantaim ol sumatin bilong Yunivesiti ov Goroka (UOG) long Sande apinun i tok provinsal gavman long Nu Ailan, aninit long lukaut bilong em, i gat bikipela laik tru long helpim olgeta sumatin long wanem trenim na lainim ol manmeri na pikinini bilong Nu Ailan provins em i bikipela samting.

"Mipela i bilip long humen risos developmen olsem na long sapatim ol skul sumatin bilong mipela, mipela bai no inap long tok nogat.

"Mipela bai givim ful sapat long ol long wanem mipela laikim olsem ol i mas kisim gutpela save na ol i ken kisim dispela ol save i go bek long provins bilong mipela na surikim dispela save i go long ol manmeri long provins," Se Julias i tok.

bin autim sampela bel hevi bilong ol long taim ol i bin bungim Se Julias na i bin askim olsem long wanem as na Niu Ailan provinsal gavman i peim tasol 25% pesen bilong wanwan sumatin long we em i sapos long peim 75%.

Se Julias i tok i luk olsem sampela asua i bin kamap namel long administresen opis bilong em olsem na em i tok em bai stretim dispela hevi na em i wanbel long mitim 75% pesen mani mak bilong ol skul fi bilong olgeta sumatin bilong Nu Ailan long Goroka na long ol arapela yunivesiti na ol apa o haia edukesen institusen long kantri.

Se Julias i tok nau yet bihain long em i bin kamap olsem gavana em i kirapim pinis tenpela hai skul we fopela long ol em i sekunderi skul long provins.

Em i tok Nu Ailan provinsal gavman i go het nau long edukesen subsidi long olgeta skul long provins.

"Na ol elementri skul i go inap long gret et (8) em ol i ken kisim fri edukesen na gret nain na i go antap olsem gret 12 em provinsal gavman bai ken peim 75 pesen skul fi na narapela 25 pesen em ol papa mama bai ken peim," Se Julias i tok.

Ol meri bung long wok agrikalsa

Michael Novingu i raitim

OL MERI save wok hat long painim kaikai na ol arapela samting long famili bilong ol long ol bus ples long Papua Niugini.

Dokta John Kola, Bosman bilong Nesenel Agrikalsa Risets Instatiut (NARI), long Buba long Lae i mekim dispela toktok long taim em i opim Kibung bilong ol meri wok didiman long Lae long Tunde dispela wik.

Dokta Kola i tok, olsem 90 pesen bilong ol meri i save kamapim ol kaikai long lukautim sindaun bilong ol famili bilong ol long bus ples.

Em i tok wok ol meri i kari-

maut na ol i stap strongim komyuniti bilong mipela long lukautim ol lapun manmeri, ol pikinini na ol arapela samting i stap long haus, na komyuniti bilong ol.

"Yumi ken tok ol meri i gat bikipela sori na marimari long lukautim famili bilong ol."

Dokta Kola i tok bikipela wok ol meri wokim long developim Papua Niugini, gavman i mas luksave long ol long wok ol i mekim long kirapim gutpela sindaun long famili na komyuniti bilong ol.

Em i askim gavman, ol lain i save givim helpim na ol arapela developmen patna long givim ol sapat long ol meri long senisim sindaun bilong

mipela long komyuniti.

Long givim sapat long ol meri long karimaut wok bilong ol i gat dispela samting long karim aut wok bilong ol i go het.

- Edukesen na trening bilong ol meri i mas kamap.

- Givim tok orait long ol meri fama long karimaut wok bilong ol.

- Infomesen Teknoloji i mas stap long helpim ol meri fama long wok bilong ol.

- Gavman mas kam insait long sapatim ol meri long karimaut wok bilong ol.

- Wara na pawa saplai, sid bilong planim kaikai, kol-rum, transpot na ples bilong salim kaikai i

mas stap

Dokta Kola i tok i mas i gat mausmeri bilong ol meri fama long mekim disisen i mas i stap long ol wod kausel distrik plening baset praioriti komiti provinsal na nesenel politikis.

Dokta Kola i tok nau mipela luksave long wok ol meri i wokim long olgeta de laip bilong mipela long provaidim na inapim ol nid bilong mipela, ol meri i stap long strongim kalsa bilong mipela long famili i bung wantaim long kirapim laik i go het olsem long putim kaikai antap long tebol long famili bilong em.

Se Julius Chan amamas long Himopaka Meri Grup

Sape Metta i raitim

LONG taim ol bikipela lidaman na politisen long nesenel gavman i wok long pulimapim poket bilong ol na kamap mani man, turangu sampela ol mama i wok hat tru long traim long kamap wantaim sampela gutpela samting long helpim ol yet long ol ples na hauslain.

Na wanem taim bai dispela ol lain bai stopim dispela ol pasin na kamap wantaim ol gutpela tingting long givim han na helpim turangu ol mama.

Dispela em sampela toktok na askim em olpela praim minista na nau Gavana bilong Nu Ailan, Se Julius Chan i bin mekim long taim em i bin kamap long opisiet olsem ges ov ona long gre-



GIVIM LUKSAVE: Se Julius Chan na Bulolo MP Sam Basil i holim ol Afriken yam long taim tupela i kamap long opisiet long greduesen seremoni long Faniufa hauslain long Goroka, isten Hailans long Mande dispela wik. *Poto: Sape Metta*

duesen seremoni bilong Himopaka Meri Grup long Faniufa viles long Goroka, Isten Hailans long Mande dispela wik.

Se Julius i tok em i ama-

mas tru long luksave olsem dispela womens grup long Faniufa hauslain i wanbel long bung wantaim gutpela tingting long kirapim ol liklik wok projek long level bilong

ol yet long viles, so ol bai i ken kisim helpim na kisim kaikai long en.

Em i tok ol mama em ol as tru bilong olgeta hatwok.

"Tingim long taim mama i karim yumi na stat long yumi olsem bebi, bikipela hatwok long lukautim yumi em ol mama yet, so yumi mas luksave long dispela ol hatwok bilong ol mama na helpim ol," Se Julias i tok.

Long yia 2008 Himopaka Womens Grup i bin kirapim pigeri projek we ol i lukautim ol pik. Na long stat bilong dispela yia bihain long tupela yia ol opisa long Dipatmen ov Agrikalsa na Laipstok (DAL) opis long Goroka i kamap na givim ol lain mama na sampela ol papa tu ol skul na trenim long lukautim ol pik.

Ombudsmen mas tok klia long wok bilong en

Paul Zuvani i raitim

OMBUDSMEN Komisen i mas tokaut klia long wok bilong en. Dispela em long mekim ol Memba na pablik i save gut long kamap, stap na wok bilong en.

Em i no gutpela long Komisen i askim Palamen long rausim Bil we i laik mekim sampela senis long rot bilong sapotim wok bilong en.

Taim ol Memba i save gut long wok bilong en ol bai save gut long wanem samting ol bai mekim taim ol i vot long Bil long Me Palamen Kibung.

Dispela em tok bilong Oposisen Lida na Memba bilong Mosbi Not Wes Se Mekere Morauta long taim em i bekim askim sapos Oposisen i sapotim dispela Bil.

Dispela Bil em Memba bilong Esa'ala Moses Maladina i go pas long em we Palamen i mekim tu-

pela Riding pinis long Mas Kibung na wetim namba Tri Riding long kamap long Me Kibung.

Sapos Gavman i kisim 73 namba olsem mak i stap long lo long Memba i givim sapot dispela bai lukim Bil i kamap tru.

"Bikos Oposisen i no save gut long ol toktok i stap insait long Bil em i vot egens long dispela Bil. Tasol i vot wantaim gavman long namba tu Riding."

"Mi lukim i nogat bikpela asua long dispela Bil."

"Mipela bai sapotim Bil we Bil sapotim wok bilong Komisen na bai pasim Bil sapos Bil i pasim wok bilong Ombudsmen," Se Mekere i tok.

Sampela samting em i tok Bil i gutpela long em:

- BIL i surukim taim bilong Komisen long tupela wik i go long wanpela (1) mun long

mekim wok painim i go insait long samting em i ting lidaman i mekim asua. Dispela em long givim inap taim long Komisen long mekim wok painim;

- NARAPELA samting em long Komisen i mas mekim wok painim sapos em i ting lidaman i yusim pablik mani long helpim em yet. I no long em i mekim wok pablik;
- NARAPELA samting em Komisen i no ken pasim Memba long yusim pablik mani. Nau yet Komisen i mas tok orait bipo long Memba i ken go het long yusim mani. Ombudsmen i ken mekim wok painim sapos em i ting Komisen i mekim asua long taim em i yusim pablik mani;
- NARAPELA em long lidaman i mas wet long Komisen long givim tok orait sapos em i laik

mekim sampela praivet bisnis olsem baim sea long wanpela kampani. Long dispela kampani i no inap wetim lidaman olsem em i mas wet long salim sea inap long lidaman i redi wantaim mani bipo long em i go het long salim sea o pinis long salim sea.

Em i tok dispela ol lo i gutpela long wok bilong Komisen na i no pasim wok bilong en.

Planti bilong ol tok bilong senis i stap long Seksen 27 na 28 long Duti na Responsibiliti bilong Ombudsmen Komisen.

Mista Maladina long taim em i tokaut long Bil i tok long sensim tok i stap long Seksen 27 Sabseksen 3 na 5 na nupela Seksen em 219 A we i tok long kamap bilong Pemenen Ombudsmen Komiti.

Long Seksen 28 bilong Mama Lo we i tok long wok bilong strongim

Neturel Jastis dispela i tok long Ombudsmen i mas givim tok orait bilong yusim pablik mani.

Long dispela Maladina i tok Komisen bai hatwok long mekim wok tupela taim. Namba wan em long yus bilong pablik mani sapos em i skelim samting lidaman i laikim yusim i tru na i gutpela na bihain mekim wok painim sapos em i ting lidaman i asua long yusim pablik mani.

Hap bilong Seksen 28 we i tok long Memba i mas kisim tok orait long Komisen pastaim long em i yusim pablik mani i mas no ken stap.

Dispela i lusim taim Memba long mekim wok.

Nau yet Komisen yet wantaim ol arapela grup olsem Transperensi Intanesenel (PNG) na sivil sosaiti i tok nogat long dispela ol senis.

Ol i tok dispela senis nogat bai givim sans long planti paul pasim long kamap.

Nestle givim K35,000

Bustin Anzu i raitim

WANPELA man Salamaua long Morobe Provins i winim K35, 000 kes mani long Lae long wiken.

Dispela mani em Nestle Kampani, kampani we save mekim noodles, Nescafe kopi, mailo na milk i putim na mekim promosen long en.

Marcus Simon husat i gat 41 krismas i tok em i sotwin bihain long harim olsem em i winim dispela bikpela mani na em i amamas nogut tru long dispela.

"Mi no ting olsem mi bai winim dispela mani na mi kirap nogut taim ol i toksave long mi olsem mi winim kain mani olsem," em i tok long taim bilong kisim dispela mani long dispela wik Tunde long Raumai 18 retail long Maket.

Simon i tok em i go long Lae long las wik Sarere bi-

hain long lusim ples bilong em Lababia, long Salamaua na kam salim sampela pis na pinis long en, em i go long Raumai 18 long baim sampela kaikai bilong stoa.

Insait long stoa, em i tok em i kisim sampela kaikai na tingting long kisim Nescafe kopi. Em i kisim wanpela pastaim tasol em i bikpela tumas olsem na em i senisim na kisim wanpela 30gm long K2.85.

Em i kisim na i go peim long kaunta na taim em i go long dua bilong stoa, menesa bilong stoa go holim em na tokim em long sekim dispela Nescafe kopi em i bin baim long em.

Taim em i opim em i lukim olsem wanpela liklik toksave stap olsem em i winim dispela bikpela mani na em i kirap nogut.

Brand Activation Manager bilong Nestle long Lae, Miriam Palio, i tok dispela em namba wan man husat i winim dispela kes mani.

I gat narapela tupela moa long sem mani i stap yet.

Dispela promosen i bin stat long mun Mas na bai pinis long Epril, em bai kisim tupela mun.

"Dispela promosen bai go long tupela mun na dispela promosen em namba wan kes Simon winim. I gat narapela sem mak mani em stap yet.

"Em i no hat long winim dispela kain mani we Simon i bin winim. Yu mas baim 30, 50 o 70 gram Nescafe Kopi long winim dispela kain mani. I gat ol narapela prais olsem mobail fon na i gat ol insten promosen tu i stap," Palio i tok.

Nesenel Maketing Menesa



LAKIMAN: Simon, namel wantaim bilum i sanap kisim piksa wantaim Pethiyagod (l) na papa na mama bilong Raumai 18 Damian na Angela Chow (r) long taim Simon i kisim mani bilong em. Foto: Bustin Anzu

bilong Nestle, Palitha Pethiyagod, i tok dispela promosen em ol i mekim long sampela stoa insait long kantri na i no long Lae tasol. Sapos ol manmeri i go insait long wanem kain

stoa bai lukim dispela promosen na ol i ken baim na winim dispela ol prais.

Palio i tok pastaim ol dispela, ol i mekim long wanpela kit haus na wanpela man Samarai long Pot

Mosbi i winim. Dispela prais bilong haus em K150, 000.

Simon i no save em bai mekim long wanem, nau yet, em i kisim win stap

Cement Mixer

260 Litre Diesel
K7,889.00
350 Litre Diesel
K8,354.50

120 Litre 240V

120 Litre Petrol



BISHOP BROTHERS NATIONWIDE
everything for industry...



K2,200.00

K3,475.00

Mingende haus sik i sevim ol bebi we mama i gat AIDS binatang

...Tasol narapela hevi long susu

Veronica Hatutasi i raitim

I GAT wari long sait bilong kaikai long ol bebi we ol mama i gat AIDS binatang i karim ol.

Planti long ol dispela bebi i nogat AIDS binatang bikos ol taim ol mama i bel, ol i wok long kisim dabel Anti Retroviral Marasin (ART).

Dispela i kamap long Mingende Katolik haus sik long Simbu provins we wanpela Katolik Sister na nes, Sister Kinga Czerwonka long Mingende na ol woklain bilong em na Sister Tarcisia Hunhoff i wokim. Na tu, Sista Rose long Shalom Haus sik long Banz insait long Westen Hailans provins i mekim.

Sister Kinga i tok tok klia long wanem samting haus sik i mekim na ol bebi we ol mama i gat AIDS binatang i karim ol pikinini i nogat AIDS binatang wantaim ol.

"Stat long tupela yia i go pinis, mipela i bin stat long givim dabel Anti Retovairol (ART) marasin na nau, tripela (tripela) ART marasin i go long ol (AIDS)bel mama. Na skruim dispela tritmen long ol mama i wok long susuim ol bebi bilong ol. Na tu, givim marasin i go long ol bebi. Taim mipela i wokim dispela na karimaut AIDS tes long ol bebi, em i bin soim olsem ol i nogat AIDS binatang.

"Mama husat i no kam long klinik bilong ol bel mama em tes i bin soim olsem bebi i gat AIDS binatang. Olsem na em i tru long olgeta bebi we krismas bilong en i wanpela de i nap long 18-pel a mun na i gat 26 long ol, we ol mama i gat AIDS binatang tasol ol i kisim ful tritmen long Positiv Pipel Tritmen Kaunseling na Testing program (PPTCT) i karim ol na ol i kisim tes namel long Ogas na Disemba 2009 long Mingende Rurel haus sik i

no bin gat AIDS binatang. Olsem na mipela i lukim olsem givim tripela ART marasin i go long ol bel mama i gat AIDS long stopim binatang i noken go long bebi i wok.

Tasol taim mipela i bin statim PPTCT program long 2003-2007 na yusim wanpela marasin tasol na tu, mipela i no sekim sapos ol mama i givim yet susu bilong ol long bebi, sampela bebi i bin kisim AIDS binatang," Sister Kinga i tok.

Tasol wanpela lain i save mekim wok long lukautim na givim kainseling ol AIDS lain i tok planti mama i gat AIDS i na ol bebi biolong ol i nogat, i no laik givim susu bilong ol long ol bebi.

Dispela em bikos ol i laik banisim ol gut long noken kisim AIDS binatang.

"Taim moa bebi i wok long kamap wantaim nogat AIDS binatang tasol ol mama i gat

AIDS, i gat hevi long kaikai. Askim em, bai husat i helpim long baim susu long wanem pe bilong susu bilong ol bebi i dia tumas. Wanpela tin i kos moa long K50.

"Wanpela tingting i save mekim long sampela ovasis kantri PNG gavman i ken bihainim em, ol mama i stap long dispela kain situesen i save ri-jista wantaim gavman long kisim susu saplai vausa o tiket long baim susu long stoa.

Sapos ol atoriti i ken lukluk long dispela. Na bebi bai stap long susu long 6-pela mun tasol bipo em i kisim ol narapela kaikai," Dispela em wari long pauda susu we dispela man i tokaut long em.

Em i tok tru, gutpela samting em sevim laip bilong bebi i kamap tasol narapela samting nau em ol papamama na gavman i mas redi long lukautim ol bebi wantaim susu (milk).

YUMI na HIV
WANTAIM
Fr Jude Ronayne
Forde OFM



Pot Mosbi Jeneral Haus sik

PLANTI manmeri i bin raitim ol pas bilong komplek long sevis long bikpela haus sik bilong yumi long Pot Mosbi.

Ol i tok, ol dokta na nes i no lukautim ol gut. Mi tu, mi gat tok long dispela.

Mipela i save lukautim ol siklain HIV AIDS long 16 Mail. Ol i sik i stap na kam stap wantaim mipela long sampela mun. Mipela i stat long lukautim ol na ol i stat long dring strongpela marasin, ol drag (ARV) ol i kisim long Hederu Klinik. Na sampela mun bihainim, ol i redi long go bek na stap wantaim famili bilong ol gen. "Yumi Sapot Grup", i save bung long Saimon Sairin Senta long Hohola, i pulap long ol lain i bin stap wantaim mipela na nau ol i stap gut nau.

Tasol, sapos wanpela i sik o i stat long go daun liklik, mipela i save bringim em i go long Hederu Klinik o long "Accident and Emergency" (A&E) long Pot Mosbi Haus Sik. Mipela i bin bihainim dispela rot nau long 10-pela yia na gutpela sapot na helpim tru i bin kamap long dispela tupela dipatmen long bikpela haus sik. Sori, mi lukim senis i kamap nau na mi wari. Stori bilong mi i go het.

Wanpela meri, yumi kolim em Lucy, em i sik nogut, ai raun na lusim strong olgeta. Mipela i bringim em long A&E na wanpela dokta i sekim em. Mi lukim dokta i sekim em na mi tokim Lucy, "Yu stap, wanpela aua bai mi kam bek na lukim yu". Mi larim sampela kaikai na dring i stap wantaim em. Wan aua bihainim mi kam bek na Lucy i no stap long A&E. Em i tokim mi: "Ol i kisim blut bilong mi na tokim mi long kam bek tumora." Tarangu, ol i rausim Lucy long A&E, na em i go ausait na pundaun long graun; strong bilong em i lus olgeta. Sampela gutpela manmeri i bin helpim em na taim mi painim em em i sindaun long hap simen. Mipela i go slip long 16 Mail na long tumora mi lusim em, wantaim sampela was, long A&E. Nau ol lain long A&E i krosim em na tokim em long go long Hederu. Em i go long Hederu na ol Hederu i tokim em long go long haus; long "admit" long haus sik nogat! Ol i tok: "I gat planti i save kam hia, sik bilong ol i winim sik bilong yu. Yu mas go long haus". Mipela i bringim Lucy i kam bek long 16 Mail; dua bilong haus sik i pas. Mi pret i no longtaim bai Lucy i lusim yumi.

Helt Dipatmen i stap bilong lukautim ol siklain. Ol dokta na nes em pablik sevan i save kisim potnait bilong ol long sevim sikman! Rispek na pasin helpim - i bin stap bipo - i mas kam bek insait long dispela wok gen!



STORI WANTAIM BIKMERI: Dispela 3-pela sumatin bilong Sogeri praimer skul i bin gat gutpela sans tru long sindaun na stori wantaim meri bilong Australian Hai Komisina, Ian Kemish, taim em i go lukluk raun.

Poto na stori: James Kila

Marie Stopes na NBC kamapim redio pilai long SRH

Veronica Hatutasi i raitim

MARIE Stopes PNG em wanpela Non Gavman Ogenaisesen (NGO) i save speselais long seksual riprodaktiv helt (SRH) i statim nupela rot long kisim mesej o ol tokskul i go aut long pablik long ol SRH sik kantri i bungim na rot we pipel i ken bihainim long abrusim.

Em i wokim dispela long kamapim wanpela redio pilai drama ol i kolim long "A day in the life of Agnes". Dispela em ol trupela stori long 16-pela hap we i stori long ol ekprians bilong Sister Agnes, wanpela nesing sister o speselais long ol SRH.

Marie Stopes i wok nau wantaim Nesenel Brotkasting Komisn (NBC) long wokim pilai drama long

ol stori na i save kamap nau long NBC Karai Redio long 30 minit olgeta Trinde apinun stat yet long 2.05 apinun inap long 2.30 apinun.

"Planti pipel i wok long dai bihainim ol i kisim ol SRH sik we pipel i ken kamap orait taim ol i kisim marasin long en. Dispela kain program bai kamapim skul awenes i go long pablik na mi bilip olsem nai helpim long senisim i no bisi pasin bilong planti pipel," Fred Ume, em sinia produsa bilong redio pilai drama i tok.

Kantri Dairekta bilong Marie Stopes PNG, Jet Riparup i amamas long NBC long kamapim gutpela pilai drama long stori na putim fri i go aut long redio.

Em i tok i gat planti bikpela skul we pablik i ken lainim long ol pilai

stori. Na em i laik painim mani long lukim olsem dispela ol pilai drama stori i ken ron long redio long ful yia.

Em i tok as tingting long ol stori em long stopim, wanpela eria bilong helt planti pipel i no save tingim. Ol topik we ol dispela pilai drama i karamapim em long: Promotim spesim ol pikinini, stopim, ol yangpela krismas i no inap yet i save kisim bel, famili plening, STI, HIV AIDS na paitim na bagarapim ol meri. Olgeta dispela stori em ol i kisim long ol samting i kamap tru na ol i tanim i go long redio pilai drama long pipel i harim na lainim eksprians long jenerel pablik.

Long wankain taim tu, Marie Stopes PNG i bin wok bung wantaim 8 Mail komyuniti long sanapim

na opim nupela mini klinik long 8 Mail setelmen ausait long Mosbi siti i no long taim i go pinis.

Klinik i stap long Orinamaoro Yut Senta we Marie Stopes PNG yet i bin statim long helpim ol 8 Mail yut i kisim infomesen na helpim long ol samting i karamapim ol na i sut long SRH.

Marie Stopes i bilip long sapatim na strongim ol yangpela manmeri bilong mekim ol raitpela disisen long laip na ol i ken gat sans long meki ol gutpela wok insait long ol komyuniti bilong ol.

Ori na Maoro Yut senta long 8 Mail we Marie Stopes i bin opim long dispela mun tasol i wok long helpim gut ol yut.

Long las wil Fraide, man i go pas long Nu Silan UNICEF, Hamish

Lindsay i bin raun i go lukim senta na lukim ol yut i statim wanpela peinting resis we bai ol i go hetim long wanpela wik. Dispela peinting resis i givim sans long 6-pela yangpela meri long soim save na wok bilong ol i go aut long pablik. Het tok bilong dispela peinting resis em "Ol Yangpela Pipel". Antap long dispela peinting resis, bai i gat ol narapela program senta bai ranim long tupela mun i kam long mekim ol yut i gat samting long wokim bai ol i noken stap nating. Na long dispela rot, ol i ken glasim na skelim laip na tingting bilong ol na klia long ol disisen ol i mekim. Marie Stopes PNG i save holim klinik long senta wanpela taim insait long wanpela wik.

Lukautim gut ol samting na kamapim gutpela wol

...*Senisim pasin*

OLSEM ol Kristen yumi ken helpim long kamapim senis long kantri na long wol viles taim yumi go insait long ol wok bilong stretim samting i no go gut na tu, wantaim kontribusen bilong yumi, oksileri Bisop bilong Pot Mosbi Asdaiosis, Cherubim Dambui i tok long ista mesej o toktok bilong em.

Bisop Cherubim i tok ol bikpela samting we PNG na wol i wari long em nau em HIV/AIDS, klaimet i senis na solwara i solap na karim graun na ol ples bikos wol i wok long go tuhat moa moa yet.

"Long selebretim Ista, yumi save strongim bilip bilong yumi wantaim Jisas i kirap bek long indai na tu, yumi kamap olsem ol witness long olgeta samting we God i wokim long dispela graun i kamap gut bikos Jisas i baim ol wantaim blut bilong em.

"Bilip bilong yumi, hop na laik pasin i strongim yumi long go insait long ol wari we kantri bilong yumi na wol i gat long en. Wantaim Jisas na long en, yumi laik go insait long wok bilong bildim gutpela na seif wol, wol we yumi i ken amamas long en we ol pikinini na tumbuna i kam bihain i ken stap amamas long en.

"Ol nupela masin samting bilong tude na bikpela go het long komyunikesen na trenspot i wok long kamapim wanpela wol viles. Em i isi nau long harim save long ol wari na hevi i kamap long wok bikos long nius yumi i kisim taim yumi tanim televisen bilong yumi, harim long redio na ritim long ol niuspepa.

"Bikos long dispela, yumi olsem ol bilip Kristen manmeri i ken mekim samting long kantri bilong yumi yet na long wol viles wantaim kontribusen na wok bilong yumi long senis na gutpela samting," Bisop Cherubim i tok.

Em i tok ailan bilong Niugini i stap olsem namba tri long wol we i gat bikpela hap bus na ol diwai samting long en na olsem, yumi stap long gutpela mak long toktok



BISOP CHERUBIM

wantaim ol narapela na painim rot bilong mekim ol samting long daunim hevi bilong klaimet i senis. Wanpela rot em, yumi ken senisim pasin bilong yumi na lukautim na yusim gut ol risos na moa yet, ol diwai na timba risos.

Bisop Cherubim i tok God i givim bikpela blesing long ol man na meri wantaim save na gutpela tingting we i fri na putim man olsem bos long lukautim na bosim olgeta samting olsem ol diwai, ol animal, ol pisin na ol pis bilong wara na solwara na olgeta narapela samting i stap laip long graun.

"Dispela i min olsem yumi noken gridi, wokim nabaut long nagarapim ol samting long dispela graun. Yumi i mas kamap olsem ol gutpela lukaut papa bilong olgeta samting long graun," Bisop Cherubim i tok.

Long kamap bilong LNG projek na bikpela blesing we God i givim yumi long sait bilong ol mineral, wel na planti ol arapela moa, Bisop Cherubim i tok PNG bai i lukim bikpela mani, tasol wari em long husat tru bai kisim ol gutpela samting long dispela bikpela projek?

"Dispela i kamapim narapela bikpela wari we yumi i mas etresim. Dispela em long asua bilong stil pasin na paulim mani we i stap pinis long kantri bilong yumi," Bisop Cherubim i tok.

Em i tok bikpela samting em yumi mas senisim pasin bilong yumi sapos yumi laik lukim developmen i kamap long kantri, ol helt na ol narapela sevis i go gut long pipel.

"Olsem ol Kristen, yumi mas tanim i go long Bikpela na senisim laip bilong yumi. Ol han bilong gavman i stap long sekim ol samting i no ron gut i no inap long kontrolim ol gridi pasin na moa yet, long ol dispela i save lukautim pablik mani. Wantaim Bikman long sait bilong yumi, yumi ken kamapim gutpela sosaiti we i tilim gut ol samting na pipel i amamas na stap gut," Bisop Cherubim i tok.

Em i tok tu olsem long daunim sik AIDS i kalap long moa pipel we i bikpela hevi long PNG, yumi olsem ol Kristen i mas strongim pasin bilong noken wokim pasin bilong ol marit inap yu marit. Na long stap pas wantaim wanpela patna tasol taim yu marit. Em i tok Katolik Sios i tok nogat long yusim kondom o karamap bikos long sait bilong gutpela pasin long sosaiti, promotim kondom i givim fridom long wokim bikhet pasin na slip nabaut. Na dispela i brukim ol gutpela pasin samting long sosaiti na kikkbek bilong em, ol yangpela pipel bilong yumi i bungim hevi, Bisop Cherubim i tok.

"Yumi olsem ol Kristen na pipel wantaim gutpela tingting i laikim sosaiti wantaim gutpela pasin na wokim gut long pipel bilong em. Ista toktok mi givim em yumi nau i mas strongim bilip na larim lo bilong God i stiaim tingting na lewa bilong yumi long helpim yumi i senisim pasin bilong yumi. Yumi mas putim bilip bilong yumi long God, daunim het long pre na askim em long marimari bilong em," Bisop Cherubim i tok.

GLASIM TOK
WANTAIM
Fr Lollington Wiam



God em bilong olgeta

LONG, bipo ol manmeri bilong God i gat wanpela bikpela haus lotu o tempel i stap long biktaun bilong ol Juda, pipel long Jerusalem.

Dispela tempel em i ples we ol manmeri bilong Juda i ken bungim God long givim ofa bilong ona na tenkim em. Insait long dispela temple, em i bilong ol Juda tasol. Tambu long ol narapela manmeri ol i no Juda long go insait long dispela tempel.

Ol soldia tu i save was long en, na sapos ol pipel ol i no Juda go insait, wantu bai ol soldia i kilim ol i dai.

Taim ol man i bagarapim tempel bilong God, Jisas i belhat na em i rausim ol, long wanem ol i wok long bagarapim haus holi bilong Papa bilong em. Ol pris bilong dispela tempel i krosim Jisas na ol i askim em long soim ol, em i gat wanem kain namba na pawa long mekim olsem.

Bilong bekim Jisas i givim dispela mak long ol. Yupela i brukim dispela tempel na long tripela de bai mi bildim gen.

Sapos yumi glasim dispela tok Jisas em i tok long bodi bilong em yet, em haus spirit bilong God. Yumi mas save, ol bikpris na lida bilong Juda ol i kotim Jisas na ol soldia i bung wantaim ol i bin kilim em i dai long diwai kros na long tripela de bihain, em i kirap gen olsem em i bin tokim ol.

Nau yumi skelim taim ol Juda i kilim Jisas i dai long dispela Gut Fraide, ol bai pinisim tempel bilong ol wantaim. Taim Jisas bai i dai long diwai kros, bikpela laplap i haitim dispela holi rum insait bai bruk na bai pundaun. Na em gutpela skul long yumi. Dispela bai pundaun long soim yumi olsem God i no stap hait moa insait long dispela hait rum tempel.

God em i no moa bilong ol Juda tasol, God em Yunivesel na bilong yumi olgeta. Jisas yet em i nupela tempel God. Em i no tempel bilong ol Juda tasol em tempel bilong olgeta pipel bilong dispela wol.

Maski wanem kain lain manmeri yumi i stap ris o turangu, i gat save o nogat save, Jisas i dai long mekim yumi kamap spesol pipel bilong God. Olsem na long dispela Holi Wik, yumi mas poroman gut wantaim Jisas i go inap long Gut Fraide long dai na pinisim olpela tempel na kirap bek long ista long kamapim nupela tempel.



ROT BILONG KRUSE LONG HOLILEN: Planti Katolik long wol i save bihainim Rot bilong Kruse wokabaut long tingim pen na dai bilong Jisas na mekim dispela wokabaut long Gut Fraide, olsem tasol bai kamap tumora long Mosbi we ol Katolik long siti bai wokabaut long Tokarara Peris na pinis long Don Bosco Katolik Sios long Gabutu. Piksa i soim hap bilong Rot bilong Kruse wokabaut bilong ol Kristen na bilip manmeri long Jerusalem. Rot bilong Kruse wokabaut i stat long sios bilong Skojing na pinis long Holi Sepulka. *Poto: Holyland Buk.*

Ol meri laikim luksave long de bilong ol

OL meri i singaut long nesanel gavman long inapim disisen em (gavman) i bin mekim long 1977. Dispela em long gavman i bin givim tok orait pinis tasol em i mas go hetim na lukim samting tru i kamap bilong givim haf de long noken wok i go long ol meri na pablik sevan i wok long ol taun.

Wanpela meri grup i bin bung long Unagi Oval long Mosbi i mekim dispela singaut i go long nesanel gavman.

Dispela em long las wik Trinde Mas 24, we ol meri long olgeta hap bilong PNG i bin luksave long de bilong ol, em Nesanel De bilong ol Meri.

Olgeta yia, ol meri sios na komyuniti grup, Nesanel Kaunsel bilong ol Meri lain wantaim liklik lain meri i wok i save selebretim Nesanel de bilong ol Meri. Na sapos nesanel gavman i givim luksave long dispela de na inapim askim bilong ol meri i stap pinis long 1977 Nesanel Gavman disisen, bai ol wokmeri i gat taim long amamasim dispela de.

Long selebren bilong las wik, presiden bilong Nesanel Tred Yunien Kongres, Michael Malabag i bin sapotim singaut bilong ol meri ma tok dispela i singaut bilong luksave long sosel jastis, welfea na sanap long wankain level wantaim ol man.

Em i bin tok ol meri i ikwal patna long wok developmen bilong kantri. Em i tok long pasin kastam bilong PNG, so-saiti i stap bikos long ol meri na pikinini. Na ol i gat save long lukautim famili na givim ol gutpela stiatok long ol pikinini na famili. Dispela ol save na wok i bikpela samting long yusim long ol wok developmen bilong kantri, Mista Malabag i tok.

Em bin tok PNG i hap long wol viles na ol meri i mas wok bung wantaim ol man long kamapim ol wok developmen.

Long Is Nu Briten provins, vais presiden bilong Nesanel Kaunsel bilong ol Meri, Mary Cornelius i bin tokim bung bilong ol meri long Avungi Wod, Baining eria olsem bihain long 30 yias PNG i kisim independens, nogat planti senis tumas i kamap long sindaun bilong ol meri long PNG. Em i tok dispela em bikos nogat meri tumas long palamen bilong dispela kantri na olsem, em i moabeta long putim moa meri i go insait long palamen.



PRUT I PULAP KAPSAIT: Taim yu raun long Buka maket, prut olsem mandarin, kukamba, painapel, kulau na popo i no isi, olsem dispela yangpela meri i sanap ba'im i soim. *Poto: Veronica Hatutasi*

Tripela meri sumatin go skul long Japan

Veronica Hatutasi i raitim

TRIPELA yangpela meri i winim skolasip long skruim skul bilong ol long Japan long tu na haf yia i kam.

Foapela pipel olgeta we wanpela em i man i bin winim skolasip we Japan i save givim aut olgeta yia long 4-pela yangpela pipel long PNG bilong kisim moa skul long ol bikpela yunivesiti na koles long Japan. Tripela i lusim Mosbi tude long go olsem long Singapo na o go olgeta long Japan taim wanpela bai go bihain long mun Septemba long dispela yia.

Insait long wanpela bung long Mosbi long dispela wik Tunde, Embasi bilong Japan i bin givim ol balus tiket long Martha Sangau em fainol yia politikel stadis sumatin long Yunivesiti bilong PNG husat i go long Osaka Yunivesiti na skruim skul long Greduet skul bilong Human Saiensis long tupela na haf yia.

Narapela em Miriam Hera i fainol yia sumatin long Intenesenel Trenning Institut (ITI) long Infomesen

Sistem i go long Nippon Enjiniaring Kolis long Hachioji long skul long Pesenel Kompyuta Netwok. Narapela meri, Cecily Kome, husat i wok olsem Rises opisa wantaim Fainens Dipatmen bai lusim PNG long mun Septemba na go skul long Intenesenel Rilesens long Intenesenel Yunivesiti bilong Japan. Wanpela man tasol namel long meri em David Wari, husat i bin wokim fainol yia Agrikalsa long Yunivesiti bilong Teknoloji long Lae i go long Okayama Yunivesiti na skul long Naturel Saiens.

Martha i bin tok winim skolasip na go skul long Japan em i bikpela samting na em i sans long kisim na yusim long helpim skul na save bilong ol. Na ol bai kam bek long PNG long helpim wantaim developmen bilong kantri. Long lainim Tokples Japan, Martha i tok tru, Japan em i wanpela hatpela tokples long lainim, tasol sapos yu laikim tru samting, bai yu amamas long lainim. Ol dispela sumatin bai kisim 6-pela mun long lainim tokples Japan. Martha i gat save long tok-

ples Japan bilon g em i lainim dispela long tupela yia olsem wanpela subjek long UPNG.

Cecily bilong ples Aroma bai skul long Mastas long Intenesenel Rilesens long Yunivesiti of Japan i tok

“dispela em i sans long kisim moa skul na save ausait na moa yet long Japan we i wanpela strongpela wol ikonomi na bikpela indastriel kantri i save go pas long ol nupela teknoloji na ol kain masin wol i yusim tude. Ol save bai mi kisim long hap em na kisim i kam long helpim go hetim PNG,” Cecily i tok.

David i tok “tru, em bai hat na moa yet, long lainim tokples Japan. Tasol olsem ol ambaseda bilong PNG, ol bai traim hat long promotim PNG”.

Deputi Sif bilong Misin wantaim Japan Embasi, Kazunori Kawada, i tok stat yet long dispela Japan gavman program skolasip i stat, 135 manmeri bilong PNG i go skul long Japan na kisim save. Na planti i gat bikpela wok we i helpim developmen bilong kantri.

Raun Lukim ol Meri na Pikinini:



KURI WOKLAIN WANTAIM BUKNEM MUSIKMAN: Tupela wokmeri bilong Kuri Viles Risot long Buka em, Sonia Ilau na Lorraine Moatsi i sanap wantaim biknem Tolai musikman, Leonard Kania (i sanap long hankais) na narapela wanwok bilong ol, Francis Tsikula. Kania i bin stap long Buka na long nait, Kuri Viles Risot i bin paia taim бага musikman i pilai long wanpela fansen dina na danis. *Poto: Veronica Hatutasi*



LAINIM OL SAMTING: Wanpela wokmeri long JOCIA Entaprais stia long Buka i stap. *Poto: Veronica Hatutasi*



MEKIM SAVE LONG PAITIM GITA NA SINGSING: Ol meri Bogenvil i selebretim Nesanel de bilong ol Meri long Buka taun. Bikpela bung i bin kamap long Buka Oval we ol wan wan meri grup i putim kamap ol aitem bilong ol, olsem dispela grup i mekim save long paitim gita na singsing. *Poto: Aloysius Laukai*



Show your 
this Easter!

USE SMS BANKING



TOK PISIN NEWS
from Radio Australia

radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service

6am - 7am 6080; 7240(KHz)

7pm - 9pm 5995; 6020; 9710; 1280(KHz)

PASIFIK PIPEL REDI LONG SISENAL WOKA SKIM

PLANTI ol Pasifik woka i redi long go long Australia long stap insait long dispela 'sisenal woka skim' em Australia gavman i bin tingting long en.

Tripela ten tu woka bilong Tonga bai kamap long Mundubbera taun long Kwinslen long wik bihain, we ol bai wok long pikim ol sitrus prut taim ol dispela prut i redi. Las mun, sampela ol kampani i bin wok long toktok olsem dispela Pasifik Sisen Wokas Skim bilong Australia Federal Gavman i kos bikpela mani tumas.

Tasol Paul Kiley bilong "All Recruiting Sevis" i bin tok pei bilong ol pipel bilong Tonga bai wankain olsem pei ol pipel bilong Australia i save kisim.

Mista Kiley i bin tok ol wokman na meri bilong Tonga i bin stap insait long ol hatpela trening pastaim long ol i kamap long wik bihain.

Samting olsem 30 ol woka bilong Pasifik nau i wok long Viktoria long kisim ol frut ol i kolim Almond.

LAIN AMNESTY I TOK PASIFIK I NO SAVE KILIM PIPEL

HUMEN Rait Grup Amnesty Intanesenel i bin tok Pasifik i wanpela hap long wol we em i no save tingting long kilim pipel sapos ol i kamapim ol bikpela rong insait long las tenpela yia.

Rait Grup Amnesty Intanesenel i bin tok Pasifik i wanpela hap long wol we em i no save gat tingting long kilim pipel sapos ol i kamapim ol bikpela rong insait long las tenpela yia.

Wanpela ripot bilong dispela grup i bin tok, samting olsem 714 pipel i bin dai las yia, insait long 18 kantri na samting olsem tu tausen na wan pipel, ol i bin kalabusim ol inap ol i dai insait long 56 ol kantri.

Dispela ripot i bin tok ol kantri em ol i gat pasin bilong kilim pipel sapos ol i kamapim bikpela trabel em tingting bilong ol tasol na i no loa tru bilong kantri.

Na i gat liklik namba bilong ol kantri i pinisim dispela lo nau bilong kilim pipel o i wok long yusim yet. Wanpela risetsa bilong lain Amensty, Apolosi Bose, i bin tok wol nau i wok long lukim ol senis kamap we ol kantri i stat long senisim pasin long rausim 'det penalti' long lo bilong ol. Na dispela Humen Rait Grup, i bin amamas tru long pasin bilong Pasifik long opim rot bilong lukim olsem ol kantri long wol i noken moa bihainim dispela pasin bilong kilim pipel sapos ol i kamapim bikpela rong long komyuniti. Amnesty tu i bin askim strong Fiji, PNG, Solomon Ailans na Tonga long soim ol arapela kantri long wol olsem ol i no nap kamapim dispela lo bilong 'det penalti' taim ol bai sapatim tingtingbilong United Nations we ol kantri long wol bai putim tambu long dispela tingting taim ol i bung sampela taim dispela yia.

WOK BILONG STRETIM KORAPSEN LONG AFGANISTAN I SLO

WEANPELA de bihain long mekim wanpela lukluk raun bilong en i go long Afganistan, we i mekim pipel i kirap nogut, Amerika Presiden, Barack Obama i bin tok ol wok bilong stretim ol korap pasin na stopim ol pasin bilong salim ol drag i bin isi tumas.

Taim toktok bilong Presiden Obama wantaim wanwok bilong em bilong Afganistan, Hamid Karzai i no karamapim ol bikpela samting, Presiden Obama i bin toktok gen olsem i mas gat bikpela nid nau long wok bilong stretim gut ol wok bilong gavman, rul bilong lo, na ol wok bilong pinisim korapsen.

Admiral Mike Mullen, siaman bilong sif ov staf, nau i stap long Kabul, long Mande, i bin tok lukaut long Mista Karzai long i mas mekim moa long stretim ol dispela rabis pasin o bagarapim ol plen bilong Amerika long dispela woa long kantri bilong em.

Long ol pasin Amerika i lukim olsem Mista Karzai i gat bikpela wari long korapsen na i gat bikpela sapat long Amerika long dispela woa.

KOT BILONG FOAPELA AUSTRALIA I STAT NAU LONG BOGENVIL

KOT bilong foapela pipel bilong Australia em ol i bungim ol sas wantaim drag i stat nau long Bogenvil.

PNG Niusman, Liam Fox, i bin ripot, dispela foapela man i bin pasindia long wanpela sel bot, nem bilong en Perenti, taim Bogenvil polis i bin tok long painim 470 grem mariwana o spak brus i stap antap long dispela bot long Mas 19.

Putu Winchester, krismas bilong em 43, Thomas Olsen 43, Michael O'Neil 41, na Clayton McDonald tu 33 krismas, olgeta bilong ol i bin tok ol i no rong long gat dispela drag nogut.

Ol nius ripot long hap i bin tok kot bilong ol i bin stat long Buka wantaim sampela polis opisa i toktok long wei ol i mekim wok painim bilong ol i go long dispela sel bot.

Kot i bin harim olsem ol i bin painim tupela grem mariwana long kebin bilong kepten Michael Northcote, na 470 grem mariwana ol i bin painim long plastik beg, klostu long ples em anka i save stap long en.

Kot bilong dispela ol man bai go het yet.

KAIKAI BILONG OL PIPEL LONG NORTH BILONG FIJI KLOSTU BAI PINIS

OL PIPEL long wanpela ailan long not bilong Fiji i bin tok kaikai bilong ol bai pinis insait long tupela wik sapos helpim bilong gavman i no i go kamap long ol kwik.

Brigid Glanville i ripot taim saiklon Tomas i bin kamap tupela wik i go pinis, gavman bilong Fiji i bin promis long salim ol kaikai na ol arapela helpim i go long ol dispela ples longwe kwik taim tru.

Tasol long Taveuni Ailan, ol pipel i bin tok planti handret pipel i nogat kaikai long lukautim ol, ol klos haus sel bilong stap.

Wanpela meri long Ailan, Melanie Rengu, i bin tokim Redio Nu Silan ol i nidim helpim kwik taim tru.

Wanpela gavman ripot i bin tok moa long faiv handret ol haus i bin bagarap olgeta long dispela saiklonna kos bilong ol bagarap ol i putim long 18 milian Amerika dola.

TAMBU BILONG YUROIEN YUNION WANTAIM FIJI I GO

LAIN Yuropien Yunion i bin tokaut olsem em i sukuruim tambu bilong en long ol wok bisnis agensim Fiji gavman long narapela siksipela mun.

Yuropien Yunion i bin tok ol i kamapim dispela tingting long wanem Fiji i go het long i no save rispektim humen raits na lo bilong kantri.

Insait long wanpela toktok, 27 ol memba kantri i bin tokaut olsem ol i tingting long surukim dispela tambu bihainm wei Fiji i bin isi long kamapim ol plen em i promis long mekim i go long Yuropien Yunion.

Yuropien Yunion i bin kamapim dispela tingting bihain long em i bin lukim pasin Interim gavman i bin mekim long senisim mama loa, ol bagarap long humen raits, na i wok long isi long holim ileksen bilong makim demokratik gavman.

Dispela ol tambu i bin olsem ol wok developmen Yuropien Yunion i save givim em kos bilong en inap long 44 milian Amerika dola bai stap pastaim, na subsidi mani em ol suga fama i save kisim em inap samting olsem 169 milian Amerika dola tu bai stap pastaim.

SAINA POLIS HOLIM PIPEL LONG SALIM HAIT OL BEBI

OL polis long Saina i arestim etpela pipel long stilim o salim hait ol bebi long Fujian provins long is bilong kantri.

Xinhua Nius Ejensi i ripot olsem, ol i sutim tok i go long ol dispela saspek long baim na salim gen samting olsem 12-pela bebi bilong Jiangxi provins em Fujian provins i gat boda wantaim.

Na tripela long ol saspek i tokaut stret binis long baim na salim gen ol bebi.

Ol investigeta i tok, dispela lain bilong baim na salim ol bebi i bin salim 11-pela gel na wanpela boi.

Polis i tok, ol i painim na kisim pinis faivpela bebi na i wok long painim ol arapela.

PacificBEAT 101.9FM Port Moresby

6am - 6pm 5pm
Weekend 5pm - 7pm
Including sport

101.9FM Port Moresby
6am - 6pm 5pm
Weekend 5pm - 7pm
Including sport

101.9FM Port Moresby
6am - 6pm 5pm
Weekend 5pm - 7pm
Including sport

101.9FM Port Moresby
6am - 6pm 5pm
Weekend 5pm - 7pm
Including sport

Lukluk glasim PNG-LNG projek

NAU we olgeta toktok bilong LNG projek i kamaut pinis, mipela i mas lukluk i go long narapela hap bilong projek, na wanem samting em bai givim ol pipel bilong Papua Niugini long narapela 30 yia bihain.

Moa yet, bai ol pipel bilong PNG i gat wanem kain samting i stap bihain long 30 yia taim olgeta wel na ges i pinis na olgeta maniples lain i pekim sutkes bilong ol na ronawe lusim kantri.

Na taim ol i go, bai ol i kisim paip plain bilong ol tu i go na salim long narapela kantri, olsem ol lain Alaska long Amerika, i mekim taim ol i salim seken han oil rifaineri long Interoil (PNG). Nau Interoil i yusim dispela i stap long pamim wel long Napanapa.

Hevi i stap bikpela nau long PNG em mipela i nogat ekonomi we i sindaun gut long agrikalsa o wok industri bai mipela i ken sanap long en na go het long kisim mani na painim gutpela sindaun.

Kantri nau i olsem wanpela man i save ron antap long ol bikpela si, we man i no inap long winim strong na spit bilong en. Em nau, si bai karim em i go sua long nambis na em bai mas lusim sefbod bilong em na wokabout lek nating long strongpela graun. Yumi ken lukim olsem olgeta bel kirap toktok long ol bikpela winmani kantri bai kisim, em i toktok bilong nau tasol long karim mipela i go het. Tasol bihain long en, husat i save?

Piksa i stap klia pinis olsem mipela bai bungim taim nogut. Yu askim wanpela muruk, watpo na em i no save flai, na em bai tokim yu olsem ol wing bilong em i no bikpela, olsem na em i no inap long flai na karim dispela bikpela bodi bilong em. Em i wankain tasol olsem sindaun nau yumi stap long en.

I nogat samting i stap long pulim na skelim gut ol winmani bilong kantri, o strongim sindaun bilong en i go long bihain taim. I nogat strongpela ekonomik sindaun na infrastraksa. Save bilong strongim ekonomi tu i no stap. Mipela i no strongim yumi yet olsem wanpela pipel. Nogat tru. Yumi wok long bagarapim yumi yet.

I gat wan wan ol tumbuna komyuniti we bel isi na gutpela sindaun i stap strong, tasol planti long ol manmeri i wok bikpela wantaim pasin pait, pasin kros na ol pasin we i no save kamapim gutpela sindaun insait long komyuniti.

Wanpela samting we i bin kirap long 30 krismas i kam inap nau, na i stap strong pinis insait long olgeta level bilong PNG komyuniti. Bilip na luksave bilong yumi long pasin demokrasi, na lo, i olsem tupela isait bilong wanpela bainat i gat tupela tit. I nogat samting olsem rot bilong strongim jastis we i kam long wanpela namel man.

Olgeta samting yumi mekim, i gat prais bilong en, na pasin braiberi na korapsen na laikim samting, i stap long as tru bilong en.

Yu laik askim: ston i save daunim ren olsem wanem? Em i nonap. Taim ren i pundaun antap long en, em bai paitim na abrus tasol i go painim narapela han wara i go daun long solwara. Sampela taim, ren i no save kamap long bik solwara, bikos han wara i save drai na em i save kam bung we bihain, bai kamap ples bilong ol mosquito long planim kiau.



Sabina's Corner

Narapela tingting i olsem: Sapos yu givim parasut long muruk, na suvim em i go pundaun long sait bilong bikpela mauten. Yu bai ting olsem parasut bai op, na karim muruk i go daun isi isi. Tasol nogat. Em bai givim moa hevi long muruk na hariapim em i go daun long graun. Ating dispela muruk, em i no muruk tru tru. Nogut em i mas pik i gat skin bilong muruk tasol.

Mipela wanpela liklik konsuma nesen, we mipela i save baim planti, o olgeta samting long ovasis i kam insait long kantri. Long las 40 yia, mipela i no strongim liklik

“Olgeta samting yumi mekim, i gat prais bilong en, na pasin braiberi na korapsen na laikim samting, i stap long as tru bilong en.”

agrikalsa sekta, maski 85% bilong olgeta manmeri bilong yumi i stap long ples, na i save kaikai long wok gaden. Na sapos ol i stap klostu long ol taun na siti, na rot i orait, bai ol i ken salim ol gaden kaikai bilong ol long ol lokol maket.

Yu ken lukim ol supamakot long Mosbi i salim planti ol kaikai olsem potato, tomato, kolifalaua, brokoli na kerot na epol, na ol muli we mipela yet i ken groim hia long PNG. Mipela i givim luksave long Stop-N-Shop long go pas long salim ol asples gaden kaikai yet long ol supamakot bilong ol.

Tasol yu no inap tok wankain long ol arapela supamakot long PNG, maski planti ol bosmanmeri bilong ol i kisim luksave bilong PNG Gavman bilong ol sevis i go long ol pipel na kantri. Mipela i askim: "Wanem kain sevis, na wanem kantri tru?"

Yumi no inap tru long planim rais, tasol taim yumi lukluk long ol arapela kantri i stap klostu olsem Indonesia, Malesia, na Filipins, ol i save planim rais bilong ol yet.

Dispela bai mekim yu askim gen, sapos i gat bikpela asua long graun bilong yumi. Toilet pepa tu, we yumi save yusim long klinim baksait bilong yumi, i save kam long ol arapela kantri. Na mipela i save tok inglis wantaim stail bilong ol arapela kantri. Ating yumi ol Papua Niugini i no ol tru tru PNG manmeri, laka?

Na we stap bilip bilong yumi

olsem ol tru tru PNG manmeri, o bai yumi stap tasol olsem wanpela "kopi ket-monki lukim-monki mekim-komyuniti" we i nogat as o bilip tru i samting bilong PNG stret?

Sapos yu lukluk long ol industri bilong yumi, i nogat samting i stap. Wanem ol samting yumi save mekim hia long dispela kantri we mipela i ken tok olsem em i tru tru "PNG Made"? Ating sampela samting olsem tinpis na konbif, na sampela drai biskit, na planti bia na hombru. Tasol wantaim ol dispela samting, 99% long ol samting ol i yusim long kamapim ol dispela prodak em ol i kam long ausait yet. Olsem na yu bai askim yet sapos yumi nap tok em ol PNG prodak tru tru.

Nau yu ken lukim olsem yumi nogat ekonomi i gat industri o agrikalsa bes, olsem na yumi nogat industri ekonomi, o agrikalsa ekonomi. Em nau, yumi sanap strong long wanem kain ekonomi tru insait long dispela LNG projek?

Long Kolonial Taim, PNG i strongim em yet wantaim plantesi ekonomi we i bin givim mipela wok na kapital o winmani, tasol bikpela hap long mani mipela i bin holim em helpim mani i kam long kantri i bin lukautim mipela na longpela taim poroman na wansolwara, Australia. Bihain long en, mipela i go insait long wok maining, na yumi lus tingting long ol plantesi na bus i karamapim. Gavman tu i bi-

hainim polisi bilong ol long givim bek plantesi i go long han bilong ol papagraun, tasol ol i no lukluk i go het. Ol i nogat visin. Ol Australia plantesi bosman i ronawe lusim ol plantesi, na ol i go long han bilong ol asples pipel. I no bin gat gutpela helpim long sait bilong mani na we bilong lukautim gut ol plantesi.

Tingting bilong givim bek ol plantesi i bin gutpela, tasol i no bin stap olsem bikpela wok bilong gavman. Em i bin bihainim 8-Poin Plen Gren Sif i bin kamapim long 1970s, tasol ol gavman dipatmen i no bin wok strong long karim dispela plen. Wankain samting nau i kamap wantaim K100 milian yumi wok pamim i go insait long Nesenel Agrikalsa Dvelopmen Plen (NADP) olgeta yia. Yumi mas yusim dispela NADP olsem wanpela infomesen pepa na go bek gen long bihainim dispela 8-Poin Plen bai mipela i ken kirap long en na muv i go het.

Sapos yumi mekim gut, ol plantesi bilong yumi, wantaim ol asples papagraun yet i bosim, bai wok givim inap ol takis yet tude. Mipela i pasim ol plantesi, na mekim ol pipel bilong yumi i kamap ol fama na i no ol plantesi bosman, developa o menesa. Sapos yumi bin mekim gut, yumi bin inap long sanapim wanpela ekonomi i gat wanpela agrikalsa bes na ol ruel pipel i ken go pas long en.

Nau, mipela i nogat agrikalsa developmen long ol ruel eria, na

mipela i sutim tok long kastomari len tenio, o graun i stap long han bilong ol asples. Tasol taim yumi lukluk long kofi na kakau, we moa long 85% bilong ol ekspot bilong yumi i stap long kastomari graun na i no long ol bikpela plantesi i sanap long ol Stet Lis i lus pinis. Olsem na nau, mipela i oraitim ol lo i mekim isi moa long pipel i rejistaim kastomari graun bilong ol long mekim wok bisnis developmen. Narapela sut tok i go long wanpela tewel we mipela i no inap lukim.

Na nau, mipela i givim ol agrikalsa lis i go long ol Malesia, em inap long planti tausen hekta long kastomari graun aninit long giman toktok olsem em bilong planim welpam, na PNG Fores Atoriti i wok long tilim ol loging laisens olsem ol loli long ol kastomari graun bai ol i daunim ol diwai, na i nogat moa luksave long ol papagraun o tingting bilong ol long wok loging o nogat. Lukluk long samting nau i kamap long Turubu insait long Is Sepik na Mekeo long Sentral Provins, we ol bikpela hap kastomari graun nau ol i kliarim pinis na olgeta diwai, ol i salim i go aut long kantri. Na ol papagraun yet, ol i no kisim wanpela samting. Ol i holim tasol tok promis olsem bihain bai ol i gat ol welpam diwai.

Long ol plantesi, mipela i bin kalap i go long wok maining wantaim Bogenvil main. Tasol gavman i bin asua gen taim em i no bin luksave long ol hevi bilong ol papagraun. Dispela i lukim bikpela pait tru i kamap wantaim ol papagraun, na planti tausen laip i bin lus. Yu bai askim, watpo na yumi pait namel long yumi yet? Nau, Bogenvil em i wanpela provins i no moa strong olsem bipo, na nesenel gavman i wok long pasim ai tasol na bilip strong olsem wanpela de, bai ol i lus nating. Na maining kampani tu i bin lusim ples. Em samting bilong ol.

Bihain Ok Tedi Main i kamap na em i givim bikpela hevi tru long ol Flai Riva pipel taim em i salim ol pipa bilong main i go daun long riva sistem na bagarapim tru olgeta samting long wara.

Na long narapela sait, Pogera main i wanpela hetpen tru bilong ol papagraun husat i wok long lus tru long ol kaikai bilong dispela main. Maining kampani na gavman tu i no stretim 1% long olgeta tok promis bilong en. Dispela main i mas pas. Sapos nogat, em bai kamap namba tu Bogenvil bilong yumi.

Pogera taun, main sait na ol ples klostu i pulap long pipa na i ken kamap wanpela bikpela ples bilong tromoi pipa. Minista bilong Mains na Petroleum i mas lukluk long hevi bilong ol Pogera papagraun. Ol i no kisim wanpela samting. Gutpela ples bilong statim dispela wok glasim em long sekim gen ol Orjinal Pogera Agrimen na peim ekwiti na royalti i go stret long ol papagraun, na i noken bihainim pasin hait bilong ol Keiman Ailans (Cayman Islands) we mani bai mas kalapim traipela maun Swiss na raun i go insait long sampela ol Swiss Benk Akaun, go malolo liklik long USA pastaim long em i lus olgeta i go insait long wan wan ol benk akaun bilong ol man.

Ol stilman bilong Cayman Islands i stap yet wantaim bikpela hap mani bilong ol i sindaun long Kemikal Benk bilong Nu Yok, USA.

Samting olsem \$US250 milian i bin lus long PNG Mineral Stebelaisesen Fan na ol stilman i bin kisim taim ol i kamapim dispela Cayman Island Dil. Mipela i mas kirapim bek Mineral Stebelaisesen Fan Ekt long karamapim tu ol wel na ges lain bai ol i ken skelim hap profit bilong ol i go long taim bihain we ol i pinisim olgeta mineral, wel na ges risev long graun bilong yumi na ronawe i go. Watpo mipela i givim ol ol takis malolo gen?

Ating wanpela stori we i gutpela, tasol i no gutpela tumas, em Lihir. Mipela i sapatim Se Julius Chan, Gavana bilong Nu Ailan, olsem Lihir i mas yusim mani bilong em long bildim Nu Ailan na i no bilong raun raun long wol long baim ol kain kain main wantaim mani ol i mekim long graun bilong Nu Ailan. Yumi mas stat long sasim Lihir wanpela penalty takis inapim 25% bilong olgeta mani em i mekim long wan wan yia we ol i no mekim profit o winmani. Em i stap klia olsem Lihir Gol Main i wok long haitim ol profit bilong em insait long ol akaun buk bilong en, aninit long tok stia bilong ol Ali Baba Akaunten bilong ol. Tude, ol i save salim Gol long samting olsem \$US 1,200 long wan auns. Olsem wanem tru na Lihir i save tokim Takis Opis bilong yumi olsem em i no inap mekim profit? Sapos tok bilong ol i tru na ol i no inap mekim profit, olsem wanem na ol i sindaun yet long PNG?

Em i mas pasim main na go bek long ples ol i kam long en bikos main i nogat inap mani long mekim wok. Samting bilong yupela, ol lain Lihir Menesmen na Lihir Bod ov Dairektas. Yupela ol mani pes lain tasol!

Bihain long wok maining, oil na ges i kamap. Na i luk olsem i nogat pinis bilong en, laka? Olsem na i gat kain kain bikpela toktok i bihainim painim na prosesim bilong hap liklik ges i stap long graun bilong yumi.

Em nau, mipela i askim.

I gat wanem kain samting i stap bilong ol manmeri long strit? Hamas mani na profit bai go daun long man na meri husat i save kalap long olpela PMV bas long go long wok olgeta de?

Ol ples skul na klinik bai kisim wanem samting long helpim ples manmeri, o bai em i mas go long ol bikpela taun olsem Pot Mosbi na Lae wantaim bilip olsem em i ken kisim helpim?

Hamas winmani bai go long bildim ol rot na bris bilong yumi?

Hamas winmani bai go long edukesen, trening na kirapim moa wok insait long kantri we i save autim 10,000 skul liva olgeta yia na ol i nogat rot bilong kisim wok?

Na moa yet, wanem samting bai kamap long yumi taim olgeta mineral, oil na ges i pinis, na bai yumi go we?

Na las tru, mipela i pamim hamas mani tru i go insait long LNG projek bilong inapim 19.6% interes bilong Gavman. Na hamas long olgeta dispela mani em dinau mani?

Wanem ol tems na kondisen bilong lon agrimen wantaim ol lain i givim helpim mani long mipela? Na WE TRU bai mipela i ken lukim kopi bilong Lons Agrimen wantaim ol lain Dubai i givim dinau mani long yumi?

SABINA

An Outsider's impression of the PNG-LNG project

NOW that everything that has to be said and done about the LNG Project has been said and done, we must now proceed to the next stage to determine what the project will give for the people of Papua New Guinea for the next 30 years?

And more importantly, what will be there for the Papua New Guineans 30 years after the oil and the gas runs out and all the scavengers have packed up their bags and left the country.

They will even cart their pipeline out of the country and sell it to the next bidder like the Alaskans who sold their second hand oil refinery to InterOil (PNG) Limited, that which the company now uses to churn out oil and its residue at Napanapa.

The prevailing problem in PNG right now is that we do not have an economy with either an agricultural base or an industrial base to provide us the grounding we need to propel us into the world of money and riches. The country is like a surf rider being carried by a wave, the strength and force of which the rider has no control. Finally, the wave must transport the rider to drier shores and beach him there from where he must abandon his surf board and walk barefoot on dry ground. Thus, one can see that all the hype about all the economic benefits to the country at large is, at best, a short term phenomenon with the capacity to project us into the future. But where we end up with that economic opportunity is now anybody's guess.

Indications are, that we are heading straight to rocky grounds. You ask a cassowary why it cannot fly and it will tell you the obvious - that its wings are under-developed so it lacks the ability to soar into the air to carry that massive body of weight against the capacity of its small wings. You can realistically apply that to our conditions on the ground right now.

There is nothing here with the capacity to absorb economic benefits, or let alone sustain it for the future. Apart from the obvious lack of a sound economic base, the infrastructure, the socio-economic culturing and conditioning is simply not there. We have not improved as a people. The opposite is true.

Except for a few well-structured traditional societies where peace and harmony is now the norm, the bulk of the people are a product of a culture of violence, aggression and anti-social behavior. A phenomenon which has resurfaced in the last 30 years, and permeates the whole spectrum of PNG society at this very moment. Our concept of democracy and the rule of law is that they are two sides of a double-edged sword which can also be used as a shield when it suits the wielder. There is no such thing as dispensation of justice by an impartial arbiter. Everything we do here has a price-tag on it, with bribery and corruption and lust for material wealth providing the backdrop.

You want to ask: how does a rock absorb raindrops or the dew? It does not. Each rain drop simply bounces off the rock and joins the nearest creek to journey to the



ocean. Sometimes the rain drop does not make it to the ocean because the creek dries up along the way so it is trapped there to become a puddle which in turn becomes a breeding ground for mosquitoes. Try another line, by giving the cassowary a parachute and pushing it off a cliff. You would think that the parachute should open up and cushion the cassowary's landing, but in this case, it is only extra weight that will hasten the fatal fall. Maybe the cassowary is not a bird after all. Maybe it is a pig in disguise, carting false wings.

"The prevailing problem in PNG right now is that we do not have an economy with either an agricultural base or an industrial base to provide us the grounding we need to propel us into the world of money and riches."

We are a small consumer nation importing most, if not everything, from overseas. In the last 40 years, we have not built up our agriculture sector even though about 85% of our population is rural and sustains itself by subsistence farming. And depending on their proximity to towns and cities, and on the condition of roads, if any, they are also able to sell their produce at the local markets. One can see all the supermarket stalls in Port Moresby selling imported foodstuff like potatoes, tomatoes, cauliflower, broccoli and carrots, apples and oranges and yet we can produce all these food items in PNG. We commend the Stop-N-Shop Group for taking the lead to sell local produce in their supermarkets.

You cannot say the same thing about other supermarkets in PNG, though most of the chiefs of these supermarket chains have been knighted by the PNG Government for services to the people and the country. We ask: What service and which country? We cannot even grow rice but when we look around we can see that our neighbours like Indonesia, Malaysia, and Philippines are growing their own rice. Makes you want to ask if there is anything wrong with our soil. Even the toilet paper we use to wipe our

backsides is imported. And we even speak English with a foreign accent. So how unreal can a Papua New Guinean be? And where is our integrity as Papua New Guineans or are we to remain "a copy-cat-monkey sees-monkey-does-society" with nothing of essence being original and authentically Papua New Guinean?

If you survey the industrial scene, it is a desolate landscape. What do we manufacture here in this country which we can proudly tag with the label, "Made in PNG"? Maybe a couple of items like canned fish and corned beef and some dry biscuits and plenty of booze including home-brew. But even then, 99% of the components for these products are imported, so you have to ask whether it is proper to call them PNG products. So one can see that we do not even have an economy with an industrial base, thus we are neither an industrial-based economy nor an agricultural-based economy. So from what economic

base are we participating in this LNG Project?

In the colonial era PNG sustained itself with the plantation economy providing us with employment and capital, but a greater portion of our sustenance was aid money from the foreign colonial state, our long time friend and neighbour, Australia. Soon after we went into mining, our plantations were left

to go bush. Also, the Government's policy of returning plantations to landowners compounded the problem because we never looked at the bigger picture. The Australian plantation owners fled and the plantations were given to local people with no further assistance through provision of capital and adequate know-how.

The concept of returning plantations was good, but it was not a concerted-action-based-policy on the part of the government. We should have built on the path of the Eight Point Plan devised by the Grand Chief in the 1970's, but the relevant government departments did not take it from there. The same thing is now happening with the K100 million we pump annually into the National Agricultural Development Plan (NADP). We should use this NADP strictly as an information paper and return to the Eight Point Plan to provide us the focal point from where we could move in the right direction.

If done properly, our plantations, even with local owners, would still be contributing a fair share of the taxes to the state today. We closed down the plantations and reduced our people to subsistence farmers instead of plantation owners, developers and managers. Had it been done properly, we would have built

up an economy with an agricultural base with the rural population at the helm. Now we are blaming customary land tenure for the lack of agricultural development in the rural areas. But let us look at coffee and cocoa, where over 85% of our export is produced on customary land and not on big plantations built on State Leases which have disappeared. Thus, we have passed laws to make it easier for people to register their customary land for commercial development. Another wild shot at a ghost that is nowhere to be found.

And now we are giving out agricultural leases to Malaysians, over thousands of hectares of customary land under the pretext of planting oil palm, and the PNG Forest Authority is dishing out logging licences like lollies over the customary land for clear felling with no regard for the interests of the land owners regarding their commercial timber stand. Look at what is happening now in Turubu in East Sepik and Mekeo in the Central Province, where huge tracts of customary land are now being cleared off and logs exported. All the while, landowners are getting nothing out of it except bare promises that in the future they will own oil palm trees.

From the plantations we moved another step into the arena of mining with the Bougainville Mine. However, again the government blundered by not standing in for the local landowners to address their grievances, which led to a full scale armed conflict with the landowners as a result of which there was countless loss of lives of Papua New Guineans. You want to ask, why we started fighting amongst ourselves in the first place. Bougainville is now a crippled province and the national government is playing the ostrich and hoping that it will all go away one day. The foreign mining company fled the scene. Who would blame them?

Then came the Ok Tedi Mine which is a nightmare for the Fly River people as the mine sends its industrial waste down the river system polluting anything and everything it comes into contact with. On the other hand, the Porgera mine is a rip off for the landowners who have been cheated left, right and centre as they still wait for the miner and the national government to fulfil at least 1 percent of their promises. This mine should close down immediately, if not, it will be another Bougainville for us.

The township of Porgera, including the mine site and its surroundings, looks like a pig sty or a big garbage dump. The Minister for Mines and Petroleum must look at the plight of the Porgera Landowners. They have been badly done with. A starting point would be to review the Original Porgera Agreements and pay the equity and royalty directly to landowners rather than doing it the Cayman Island way where the money had to scale the Swiss Alps and visit a number of Swiss Bank Accounts and a sojourn in the USA before it completely disappeared into indi-

vidual bank accounts.

The Cayman Island thieves are still out there with the bulk of the loot tucked away safely in the Chemical Bank of New York, USA. Approximately, \$US250 million disappeared from the PNG Mineral Stabilization Fund which was immediately abolished by the crooks the moment they cooked up the Cayman Island Deal. We ought to re-enact the Mineral Stabilization Fund Act to include the oil and the gas people and compel them to set aside a portion of their profits to cater for the time when they leave us after they have exhausted all our minerals, oil and gas reserves in the ground. And why the recent tax exemptions?

The only success story (to a point) is Lihir. We support Sir Julius Chan, the Governor of New Ireland, that Lihir should use its money to build up New Ireland and not go globe-trotting to buy mines everywhere else with money made from New Ireland soil. We should start thinking about charging Lihir a penalty tax amounting to 25% of its annual turnover for the year without a profit. Obviously, the Lihir Gold Mine is hiding its profits somewhere in its books of account, aided and abetted by its band of Ali Baba Accountants. Gold now sells for about \$US 1,200 per ounce so how does Lihir justify its greed by telling our Tax Office that it cannot make a profit? If it is true that it cannot make a profit then how does Lihir justify its continued presence in PNG? It should close down the mine and return to where it came from on the grounds that the mine is uneconomical to operate. Now over to you, Lihir Management and the Lihir Board of Directors. You greedy pigs!

Then after the mining boom, came oil and gas, and it seems there is no end to it, hence all this euphoria and hype that has accompanied the discovery and the processing of our realistically limited resources.

So we now come to the question.

What is there for the common citizen on the street? How much of the benefits will trickle down to the man and the woman who commute to work every day in that old PMV?

How will our village schools and clinics benefit to cater for the typical villager, or must he migrate to Port Moresby and Lae with the hope that he can partake?

How much of it will be used to build our roads and bridges?

How much will go into education, training and employment in a country that turns out 10,000 school leavers a year without any prospects for a bright future?

And most of all, what happens to us after we run out of minerals, oil and gas and where do we go from there?

Finally, how much of that capital we put into the LNG Project for the State's 19.6% interest or share is borrowed money, and what are the terms and conditions of the loan agreement with our financiers? And WHERE can we sight a copy of the Loans Agreement with the Dubai Lenders?

SABINA



Pipel pawa inap long save bilong lidaman?

KOMENTRI

JASTIS sistem bilong yumi, jem taim yumi kisim na strongim bihain long independens, em i bin samting bilong holim strong gutpela pasin, mekimsave long ol hait na pasin tudak, na rausim ol manmeri nogut long komyuniti bilong yumi.

Long taim bihain long independens, i no bin gat planti loya manmeri bilong yumi PNG.

Tude, namba bilong ol loya manmeri i go antap, na save bilong ol long yusim jastis sistem i wok go antap tu.

Bipo, taim lida man i asua, na bungim bikpela sem, nem bilong ol i bin bagarap na sindaun bilong ol i bin bihainim.

Tude, ol lida bilong yumi em ol bikpela mani manmeri. Na sapos yu wanpela lida i gat bikpela manmeri, namba wan samting yu mas i gat, em wanpela loya manmeri husat i gat bikpela save tru long yusim ol lo bilong PNG.

We bilong yusim lo bilong haitim ol paul pasin, ating em i samting planti long yumi ol grasrut bilong PNG i no save long en.

Yumi bai harim tok win olsem lida i kam na mekim paul pasin, tasol em yumi save em i tokwin tasol.

Bihain, bai yumi lukim lida i kamap long niuspepa na televisen, na tok: "Mi no save long dispela. Mi nogat save long mekim dispela kain pasin, na dispela kain pasin em i paul olge-

ta".

Tude, ol lida bilong yumi i save gut tru long tromoi mani long ol rot bilong haitim ol pasin tudak bilong ol.

Sapos nem bilong wanpela i kamap insait long wanpela bikpela inkwairi o wok painimaut, hariap tru bai ol savemanmeri loya bilong em bai go pas long haitim kot bilong em.

Sapos nogat, bai ol i yusim mani bilong traim pasim maus bilong ol lain i mekim wok painimaut.

Nau mipela i harim na lukim long tupela bikpela TV stesin, wanpela tokaut bilong biknem raskol man William Kapris, we em i autim nem bilong sampela ol biknem lida man bilong yumi tude.

Em i tok dispela ol lidaman i helpim

em long ol raskol pasin em i mekim.

Dispela stori bilong Kapris, em olgeta nius midia i mas lukim pinis. Tasol long sait bilong polis, i nogat wanpela i kamaut yet na tok stret.

Sapos i gat wok painimaut long en, watpo na pablik i no harim yet?

Ating bai yumi luksave olsem sapos dispela hap vidio we ol polis yet i mekim i mas stap hait, em bilong strongim ol wok painimaut bilong ol polis, bai ol i ken holim pasim ol dispela lidaman sapos ol i bin asua tru tru.

We dispela vidio i kam aut long mipela midia tu em i mas i gat askim long en.

Bipo, ol lidamanmeri i no olsem ol lida man tude.

Biksiti olsem Mosbi na Lae, i narakain tru tude. I no olsem bipo.

Bipo, i no bin gat planti hap long ol lida man i mekim paul pasin bilong ol, na planti manmeri i na midia i save was gut tru long ol.

Tasol nau, Mosbi siti i gat planti kain kain hap olsem ol naitklub, ol liklik hotel o ges haus, we ol lidaman i save raun na stap hait long en, na mekim paul pasin bilong ol.

Sampela ol dispela lida, em ol i save hait long het bilong Somare na Haus Tambaran. Mani tasol i save haitim ol. Na ol i no save malolo long dispela samting.

Sapos yumi ol pipel i laikim bai ol dispela lida man i noken stap moa olsem lida, em i taim nau long opim maus, opim ai, na kotim ol.

Ol bai yusim ol bikpela raskol man long haitim na banisim ol, tasol em ol man tu. Sapos yumi olgeta gutpela manmeri i bungim maus, ol dispela raskol man olsem Kapris tu bai pundaun.

Pipel pawa, i no toktok nating.

Pipel pawa, em i samting bilong banisim gutpela sindaun na staim yumi na ol lida bilong yumi long gutpela na stretpela rot.

Sapos yu lukim lida i mekim paul pasin, tok nogat long kina na toea bilong em. Autim tok na kotim em. Em i lida, tasol em i man nating tu.



Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500 Fax: (675) 325 2579

Email: editorial@wantok.com.pg

Pe bilong wanpela yia 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga

Editor Neville Choi

Published at Section 58, Allotment 3 Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.



Ista kiau long Bulgaria

OL Ista kiau em ol i stailim nogut tru na salim long maket long daun taun Sofia, Bulgaria long Tunde dispela wik.

Stail bilong Saut Ameriken Gems

DARYA Shara, wanpela meri i stap pilai insait long Saut Amerika Gems i soim stail bilong em insait long Ritmik Jimnestiks pilai long Medellin long Kolombia long Trinde dispela wik.



Sore bihain long bom pairap

OL LAIN Rasia manmeri i sanap klostu long ol flaua ol i hipim long tingim ol lain i dai long bikpela bom pairap insait long Lubyanka tren stesen long Moskau (Moscow) long Tunde dispela wik.



Birua bilong kworentin

OL DISPELA bek paura kaikai bilong ol kindam em ol Australia Kworentin na Inspeksen Sevis (AQIS) i rausim long sampela ol lain i save lukautim ol kindam. Tripela long ol kindam fama em ol i sasim ol long go kalabus long Trinde dispela wik. Dispela kain kaikai bilong kindam i tambu tru long baim long narapela kantri na karim i go insait long Australia.



Obama raun long Afghanistan

PRESIDEN Barack Obama i bungim ol soldia bilong Amerika i stap na wok long Bagram ea bes long Afghanistan long Mande dispela wik. (AP Poto i kam long AAP Images)

Ista amamas

ISTA em i taim bilong amamas. Dispela yia, i gat bikipela Ista So bai kamap long Sidni, Australia. In-sait long dispela so, bai gat dispela traipela robot masin i save kaikaim ol kar na kukim long paia. Moa long 30 teknoloji kampani i bin wokbung long mekim dispela robot. Hevi bilong en inap long 27 tan. Sidni Ista So bai kamap long Epril 1 i go inap 14.



Kros long Tailen gavman

OL lain i no sapatim gavman bilong Tailen i singaut kros long Bangkok long Tunde dispela wik. Praim Minista bilong Tailen, Abhisit Vejjajiva i tok long rausim palamen long pinis bilong dispela yia, tasol ol protesta lain i laikim bai em i mas lusim dispela wok em i holim. (AP Poto i kam long AAP Images)



Wara sot long Saina

OL plesmeri i kam long kisim wara long wanpela hulwara long ston long Bayi viles long Jingxi kaunti i stap long sautwes bilong Saina. Samting olsem 61 milian pipel i bagarap long bikipela ples drai. Samting olsem 12 milian hap graun i drai na bagarap tu. (AP Poto i kam long AAP Images)

Senisim pasin na mekim gut wok

Ol Ista Toktok i kam long ol Sios Lida long PNG:

ISTA em i bikpela de insait long kalenda bilong ol Kristen Sios long wol we i karamapim tu PNG. Ol sios lida long wol i save mekim ol toktok long selebretim dispela de we Bikpela bilong yumi, Jisas, i bin kirap winim sin na dai long sevim olgeta manmeri na pikinini long dispela graun.

Hia em sampela ol toktok we ol sios lida long sampela ol bikpela sios long PNG i mekim:

Asbisop John Ribat bilong Katolik Asdaisis bilong Pot Mosbi:



"ISTA selebresen i mekim yumi tingim wokabaut yumi serim long laip bilong yumi wantaim God we long bikpela laik pasin bilong em long ol manmeri bilong graun I bin salim wanpela pikinini tasol bilong em, Jisas long sevim yumi long banis bilong sin na kisim bek yumi olsem ol pikinini bilong em. Olsem na yumi selebretim dispela Ista wantaim bilip olsem God bai stap wantaim yumi na givim yumi strong long daunim ol hevi yumi bungim long laip tude.

"Olsem kantri, yumi lukim planti salens i wok long kamap we i kisim ol gutpela na nogut long laip na sindaun bilong yumi," Asbisop John i tok.

Em i tok ol pipel long ol rurel eria i kisim taim bikos ol i no kisim gut ol gavman sevis. Bikpela samting em ol rot i bagarap na balus sevis i stop long mekim ron long planti rurel eria. Ol skul na helt sevis i no ron gut bikos ol bilding i bagarap na planti tisa long ol rurel eria i no save mekim gut wok bilong ol.

"Ol pipel bilong yumi long ol rurel eria i singaut long gutpela sevis. Taim ol i lukim ol klasrum



Bisop Peter Ramsden-Angliken Daiosis bilong Pot Mosbi:



Yumi sanap we?

"Stori bilong Jisa i bin kamap long wanpela wiken long Jerusalem moa long 2,000 yia i go pinis i gat mining long yumi tude bikos ol piksa olsem bikpela lain man we hevi i bruk, wanpela man em ol i bagarapim, korapsen long ol bikpela opis, tromoim giaman toktok biruaim narapela na kilim dai narapela i no nupela samting long ples olsem Mosbi. Pasin bilong man i no senis bihain moa long 2,000 yias. Yumi wokim ol wankain asua, em i hat long mekim stretpela samting, Tasol yumi nidim Gutnius yet long senisim laip bilong yumi," Bisop Peter i tok.

Wanpela samting we Bisop Peter i toktok long en em, "Yumi sanap we", bihainim ol samting i bin kamap long wiken long Jerusalem na bikpela samting long laip bilong yumi.

"Yumi sanap long sait bilong ol planti manmeri i bung long wokabaut, pen na dai bilong Jisas i lukim ol samting i kamap na ol i sori tasol tai mol i go bek long haus, ol i no senis. O ol Farasi we

ol samting yumi wokim i kamapim hevi long ol narapela na soim olsem yumi gat bilip pasin na pogivim ol narapela. O yumi olsem ol aposel i bihainim Jisas na pilim pen long lukim Jisas tasol i no laik toktok long sait bilong em bikos ol i prèt long samting ol narapela i ken mekim long ol. O yumi save long ol asua bilong yumi tasol yumi stap wantaim hop o bilip long lewa bilong yumi. Ating yumi lukim laik pasin na lukaut bilong ol narapela, amamas bihain long pogivim narapela na bek gut pasin long lewa bilong yumi," Bisop Peter i tok.

Komisina Andrew Kalai, Komisina o Hetman bilong Salvesen Ami Sios long PNG:



Luksave long ol rong na tok sori

Bikpela samting long toktok bilong Komisina Andrew Kalai i sut long stori bilong tupela kriminel o trabel man we ol i bin nilim ol long kruse na sanapim ol long sait sait bilong Jisas long wokabaut, pen na dai taim bilong em. Na pasin bilong luksave long ol rong pasin na tok sori.

"Stori bilong dispela tupela man i autim stori bilong ol manmeri bi-

long graun. Wanpela em i tok bilas long Jisas na narapela em i tok sori long Jisas. Husat manmeri i givim baksait long Jisas, em yu tok bilas pinis long en. Yu harim stori bilong Jisas tasol yu no bihainim tok bilong em yu tok bilas pinis long em. Planti manmeri bai i no inap go long Kingdom bilong God bikos ol bin tok bilas long Jisas.

"Tasol wanpela raskol em tok sori long Jisas. Em tingim ol rong em bin mekim long ol arapela na long God. Em no tok ol lain giamanim mi na mekim pasin nogut. Em no givim eksius, nogat em tok sori tasol. i gutpela sapos yumi tu ken tok sori long rong bilong yumi.

"Tude planti manmeri ol i i no laik tokaut long mistek o asua ol i mekim long laip bilong ol. Ol i les long tokaut olsem, "Mi mekim rong na hevi i kamap long famili bilong mi." Man i spak na bagarapim sindaun bilong famili bilong em. Meri na pikinini bai kisim taim tasol man em bai les long autim rong bilong en.

"Wankain tasol long ol meri i toktok planti or gosip wantaim ol narapela meri na em i bagarapim sidaun bilong famili bilong en. Tasol em bai hat long tokaut olsem, "Mi mekim rong." Planti taim ol yangpela manmeri bai les long tokaut olsem, "Mi mekim rong na papa mama ol i pilim sem."

"Long kantri bilong yumi tu planti hevi i kamap bikos yumi les long tokaut long rong bilong yumi wan wan. Ol Rurel Helt Senta i no wok moa na ples lain i kisim taim. Tasol man husat i gat pawa long mekim dispela rurel klinik i kamap gen em bai les long tokaut long rong bilong en. Planti rot i bagarap pinis tasol i no wanpela man bai i tokaut olsem, "mi rong long dispela samting bikos mi mekim korapsin pasin na westim mani nating na dispela wok i no kamap." Ol save wokim tok sut long ol narapela long asua bilong ol.

"I gutpela sapos yumi olgeta kisim tok bilong dispela raskol husat i tok sori long Jisas. Yu mekim pasin nogut orait, yu mas tok sori na noken mekim tok sut long narapela long asua bilong yu. Kantri bilong yumi bai i kamap gutpela sapos ol man inap long tokaut long rong ol bin mekim.

"Gud Fraide em i gutpela taim long skelim gut laif bilong yumi wanwan. Spirit bilong God bai helpim yu long kliaim tingting bilong yu na yu bai inap long tok sori long Jisas. Maski long tok bilas long Jisas. Marimari na bel isi bilong Jisas i ken i stap wantaim yu-pela olgeta," Komanda Andrew i tok.

Ol tisa long Kokoda Trek kisim diploma trening



Mista Hollway i lukluk long rot wok stat long Sogeri mausrot i go long Owers Kona em AusAID i putim mani long stretim.

James Kila i raitim

...Australia tok tenkyu long Kokoda pipel...

DONI Gala em wanpela praimer skul tisa long Efogi praimer skul we i stap arere tasol long Kokoda Trek.

Mista Gala em wanpela lokal tisa bilong Koiari yet na dispela eria long kantri we em i stap wok long en i gat bikipela histori insait long Wol Woa 2. Ol tumbuna bilong em i bin hatwok long helpim ol soldia bilong Australia long bikipela pait long Kokoda Trek wantaim ol lain birua bilong Japan long woa.

Skul we Mista Gala i wok tisa long en em longwe tru. Na dispela i mekim na turangu em i no save kisim gutpela helpim tumas i kam long gavman bilong PNG. Planti taim em save gat tingting long go bek long koles na kisim sampela moa save long wok tisa, tasol em nogat mani na tu skul bilong em i stap longwe long bus na nogat gutpela luksave i save kam long PNG Edukesin Dipatmen.

"Narapela hevi mipela ol bus tisa i gat em olsem mipela nogat inap mani long helpim mipela long go bek long tisa koles na kisim save long ol nupela PNG Stendet long wok tisa." Mista Gala i tok.

Mista Gala i wok tisa longpela taim, tasol em i gat setifiket pepa tasol we i redim em long go het long mekim wok bilong

Narapela tisa, Florence Kupa husat i save wok tisa long Sogeri praimer skul i amamas tru long AusAID long kamapim kain trening olsem long helpim ol tisa i apim kwalifikesen o save-pepa ol i gat long wok tisa.

"Longpela taim tru mipela i holim dispela tisa setifiket pepa na dispela sans long trening AusAID i kamapim i helpim mipela long kisim diploma na mi amamas tru," Misis Kupa i tok.

Dispela tupela tisa i stap namel long 10-pela arapela husat i save hatwok tru long givim edukesen long ol sumatin long ol eria arere long Kokoda Treil insait long Sentral na Oro provins. Ol i amamas tru olsem ol i ken kisim diploma

long helpim ol long go het long wok bilong ol olsem tisa.

Planti ol dispela tisa i soim bikipela amamas bilong ol tru igo long AusAID long mekim ol igo bek gen long skul long kisim trening long apim save (qualification) bilong ol. Dispela em long wanem planti bilong ol dispela tisa i kisim setifiket tasol long ol tisa koles. Tasol nau yet planti ol tisa long ol komyuniti na praimer skul i save go moa long kisim diploma pepa long skul bilong ol.

Wantok Niuspepa i bin go wantaim man husat i makim Praim Minista bilong Australia, Kevin Rudd long dispela raun i go olsem long Kokoda rot long Sogeri na mipela i bungim ol dispela tisa i bisi tru long trening long Sogeri Lods.

Spesel Envoi bilong Praim Minista bilong Australia, Kevin Rudd o spesel envoi o man ol i makim long lukluk long wok developmen long Kokoda Trail, Sandy Hollway long las wik Fonde i bin mekim lukluk raun bilong em long sekim ol wok

developmen i kamap long rot stat long Sogeri mausrot igo long Owers Kona. Dispela rot projek em Gavman bilong Australia i givim mani-helpim aninit long Kokoda Trek Sefti Pakej.

Mista Hollway wantaim ol wokman meri bilong AusAID na tu Australia Hai Komisina i kam long PNG, Ian Kemish i bin kisim kar long Mosbi na draiv i go antap olsem long Sogeri pleto na bihain kamap long Sogeri veli na bihainim rot igo olsem long Owers Kona.

Tisa trening

AusAID i helpim ol komyuniti na praimer skul tisa long apim save bilong ol long bungim ol nupela PNG Gavman stendet insait long ol diploma kos we mani helpim i bin kam long Kokoda Developmen program.

Mista Hollway, husat i go bungim ol tisa i kisim trening em sampela opisa bilong PNG Edukesin Institiut (PNGEI) i bin kamapim long Sogeri Lods i amamas olsem ol tisa i lainim planti nupela samting.

Mista Hollway i tok tu olsem dispela tisa trening program i sapotim ol tisa long ol skul i stap long Kokoda Trek na bikipela as-tingting bilong dispela program em long bringim i go antap ol stendet bilong save ol tisa i gat long wok na tu long helpim ol tisa i stap wok long ol komyuniti long Kokoda Trek.

Em i tok olsem tisa developmen em bikipela rot tru long apim kwaliti bilong edukesin namel long ol sumatin na pikinini husat i stap long ol ples arere long Kokoda Trek.

"Mi makim maus bilong kantri bilong mi na pipel bilong Australia long tenkyu long yupela ol pipel bilong Kokoda long helpim yupela i givim long Australia bipo,

"Olsem na em i gutpela long putim invesmen long sait bilong trenim ol tisa husat i stap long ol skul long Kokoda Trek na ol i ken yusim save bilong ol long skulim ol pikinini long ol Kokoda Trek eria," Mista Hollway i tok.



Tupela tisa Doni Gala long Iephan wantaim Florence Kupa i soim skul wok bilong ol long Spesel Envoi bilong Australia praim minista, Sandy Hollway long Sogeri Lods. Foto: James Kila



Ol tisa na sumatin i bung wantaim ol lain bilong AusAID na Mista Hollway na tu Australia Hai Komisina, Ian Kemish. Foto: James Kila



Program bilong Wanwan De

Mande - Fraide

6am - 10am - Sankamap show - Host: KAST
 6:15am - Komuniti Notis Bod
 6:30am - Nius Hetlain / Bondei grtings
 Trukai Rais - GES FAIA KOMPETISEN
 6:45am - Niuspepa Hetlain
 7:00am - Major Nius Bulletin - YUMIFM Nius Senta
 7:15am - Toktok sapotim LO na JASTIS Sekta
 7:30am - Trukai Rais - GES FAIA KOMPETISEN
 8:00am - Major Nius Bulletin - YUMIFM Nius Senta
 8:15am - Stori b'long Skelin Tingting
 8:30am - Trukai Rais - GES FAIA KOMPETISEN
 9:00am - Nius Bulletin - YUMIFM Nius Senta
 9:15am - Luksave long Komuniti (Redio Pilai)
 9:30am - Trukai Rais - GES FAIA KOMPETISEN

9:45am - YUMI PAINIM WOK Segment
 10:00am - Nius - YUMIFM Nius Senta
 10am - 2pm - Monin Trek na Belo Pack - Host: VAVIESSIE
 10:10am - Lukatim yu yet - Helt toktok - RH Hyper Mart
 10:45am - YUMI PAINIM WOK Segment
 11:00am - Nius - YUMIFM Nius Senta
 11:10am - Cont'd - Lukauti yu yet - Helt toktok
 11:30am - Nius Hetlain b'long Belo Taim
 12:00pm - Major Nius Bulletin - YUMIFM Nius Senta
 12:10pm - BELO Taim - wantaim sapot b'long TELIKOM
 12:15pm - Komuniti Notis Bod
 12:20pm - BELO Taim - wantaim sapot b'long TELIKOM
 1:00pm - Nius - YUMIFM Nius Senta
 1:10pm - BELO Taim - wantaim sapot b'long TELIKOM
 2:00pm - Major Nius Bulletin - YUMIFM Nius Senta
 2pm - 6pm - Avinun Draiv Taim - Host: Enjo Dabix
 2:00pm - 4:00pm (Tunde / Fonde) TOKAUT TOKSTRET
 2:45pm - YUMI PAINIM WOK Segment
 3:00pm - Nius - YUMIFM Nius Senta

3:10pm - Avinun cruz
 4:00pm - Nius - YUMIFM Senta
 4:10pm - FOAPELA KAM GUD LONG 4"
 4:30pm - Nius Hetlain
 4:45pm - YUMI PAINIM WOK Segment
 5:00pm - MAJOR Nius BULLETIN - YUMIFM Nius Senta
 5:10pm - 6:00pm - FLAME KULCHA (1 hr) listeners request
 6:00pm - MAJOR Nius BULLETIN - YUMIFM Nius Senta
 6 - 7pm - Maggi noodles request aua
 6pm - 00am - NAIT BEAT - Host: ANGRA KENNEDY
 6:10pm - 7:00pm Mun kamap sho
 6:45pm - Komuniti Notis Bod
 7:00pm - 9:00pm - COCA COLA GARAMUT
 9:00pm - 00am - Nait Beat - Isi Cruz long nait
 00am - 6am - BRUKIM TULAIT SHOW - Host: Papa Raegs / Sally / Nenge
 00:00 - Early Monin Taim Cruz (ol lain brukim tulait shift)
 - Musik / Request / Tok pilai
 - Kipin Kampani long ol nait shift.

Weekend Shift - Saturday & Sunday
 6:00am - 11:00am - Wilen Sanrais
 6:30am - Komuniti Notis Bod - Bondei grtings
 7am - 9am - Wilen Spots
 9am - 11am - Monin Raun
 11am - 1pm - National Weekly Hit Parade (Host Kas.T)
 2pm - 6pm - Sarere Avinun Draiv
 6pm - 00am - Nait Beat (Host Angra Kennedy)

YUMIFM POROMAN TEAM:
 Tumer (KAS.T) Anifeae - Team Leader / Program Director
 Angra KENNEDY - Senior Announcer
 Sinimil (Vaviessie) Philipo - Promotions Co ordinator
 Papa Raegs - Announcer Nenge Neings - Announcer
 Enjo Dabix - Announcer Selestine Sally Sino - Announcer

RADIO AUSTRALIA TOK PISIN PROGRAM

HARIM LONG: 101.9 FM

6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Privu
 7.15PM Musik na Chit-Chat
 7.30PM Nius na Karent Afes
 8PM Mama Graun
 8.15PM Musik/Spots
 8.30PM NILUS
 8.40PM Helt Riplei
 8.55PM Musik
 9PM Stesen Pas

TUNDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Privu
 7.15PM Musik na Chit-Chat
 7.30PM Nius na Karent Afes
 8PM Mama Graun
 8.15PM Musik/Spots
 8.30PM NILUS
 8.40PM Helt Riplei
 8.55PM Musik
 9PM Stesen Pas

TRINDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Privu
 7.15PM Musik na Chit-Chat
 7.30PM Nius na Karent Afes
 8PM Focus
 8.15PM Musik/Spots
 8.30PM NILUS
 8.40PM Mama Graun Riplei
 8.55PM Musik
 9PM Stesen Pas

FONDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Privu
 7.15PM Musik na Chit-Chat
 7.30PM Nius na Karent Afes
 8PM Youth
 8.15PM Musik/Spots
 8.30PM NILUS
 8.40PM Focus Riplei
 8.55PM Musik
 9PM Stesen Pas

FRAIDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Privu
 7.15PM Musik na Chit-Chat
 7.30PM Nius na Karent Afes
 8PM Wantok
 8.15PM Musik
 8.30PM NILUS
 8.40PM Youth Riplei
 8.55PM Musik
 9PM Stesen Pas

SARERE - Nait
 7PM Stesen op - Ol Nius Hetlain/Program Privu
 7.05PM Musik na Chit Chat
 7.30PM Nius
 7.40PM Wantok
 8PM Lokal Ben
 8.30PM Nius
 8.40PM Musik/Chit Chat
 9PM Stesen Pas

SANDE - Nait
 7PM Stesen op - Ol Nius Hetlain/Program Privu
 7.05PM Musik na Chit Chat
 7.30PM Nius
 7.40PM Femili Blong Serah (Redio Plei)
 8PM Lukluk Bek Long Wik
 8.30PM Nius
 8.40PM Musik/Chit Chat
 9PM Stesen Pas

Raun wantaim Wantok kru...

Ol nius lain soim sore long leit William Williando

James Kila i raitim

OL NIUSMAN na meri long Mosbi i bin soim sore na rispek taim ol i bung long wanpela lotu long Sioni Kami Memorial Haus lotu long Mosbi long las wik Fraide.

Dispela gutpela man tru bilong kisim piksa wantaim kamera, William Williando, husat i gat 54-krismas bilong ples Maroroko, long Erave, Sauten Hailans provins i bin dai long saming olsem 10-kilok long Sande moning long Mosbi Jeneral Haus sik bihain long em i stap sik longpela taim.

Planti ol niuslain na ol edita bilong ol niuspepa i givim planti ol

gutpela toktok long pasin leit William Williando i save mekim. Em wanpela smatpela man bilong wok na tu em man bilong mekim gutpela stori na fani na i save laik long givim edvais o skul toktok long ol yangpela manmeri husat i kisim wok olsem nius ripota.

Leit William Williando em mama i bin karim em long Maroroko viles long 1956. Leit William i bin skul long Maroroko praimer skul na bihain i go long Mendi Hais skul. Bihain long em em i bin i go skul long Idubada Teknikal Skul (nau em Pot Mosbi Teknikal Institiut).

Em i statim wok bilong em olsem man bilong kisim poto (pograpa) wantaim Ofis bilong Infomesin, na bihain long Word

Publishing Company, em i mama kampani bilong Times of PNG na Wantok Niuspepa. Bihain em i go joinim Post Courier na long 1993 em i go wok wantaim The National na i bin stap longpela taim tru. Long las yia tasol em i bin go wok wantaim Nesanel Kapitel Distrik Komisin (NCDC).

Gavana bilong Nesanel Kapitel Distrik (NCD), Powes Parkop, husat i wok wantaim William bipo long Wantok Niuspepa i salim bikpela tok sore tru bilong em taim em i harim toksave olsem William i dai. "Mi no save tasol long William olsem wokman bilong NCDC tasol. Mi bin save long em bipo yet taim mitupela i save wok wantaim long Wantok Niuspepa

long 1981. Em wanpela gutpela man bilong wok hat na i save soim tru gutpela save bilong em long wok." Mista Parkop i tok.

Planti ol niusmanmeri long Post Courier, The National na tu bipo Jeneral Menesa bilong Word Publishing na Edita bilong Wantok Niuspepa, Anna Solomon, na tu presiden bilong PNG Midia Kaunsil i givim bikpela tok sore bilong ol i go long famili bilong leit William Williando.

Ol lain husat William Williando i lusim bihain em pikinini man bilong em Kevin na Koke, narapela step-pikinini Chris, ol pikinini meri Rose na Ramu na ol tumbuna bilong em Tiami, Agnes na William.



Antap: John Pangatana, potografa bilong Post Courier na Nicky Bernard bilong Wantok Niuspepa go pas long Karim bodi bilong William Williando. Long sait: Presiden bilong PNG Midia Kaunsil, Joe Kanekane, i soim rispek long kofin bilong leit William Williando. Ol poto: James Kila



EMTV Television Guide

THURSDAY, APRIL 1 2010

5.00AM G JOYCE MEYER Religious Program
 5.30AM G TODAY
 9.00AM EMTV PRIME TIME LINEUP
 CLASSROOM BROADCAST
 9.20am - Grade 7 Mathematics (repeat)
 10.10am - Grade 7 Science (repeat)
 11.00am - Grade 8 Mathematics
 11.50am - Grade 8 Science
 12.40pm - Grade 6 Mathematics (repeat)
 1.30pm - Grade 6 Science (repeat)
 2.30pm - DEPI Programme

6.30PM G A CURRENT AFFAIR
 6.57PM NEWS UPDATE IN TOK PISIN
 7.00PM G SPORTS SCENE
 7.27PM G EMTV TOK SAVE
 7.30PM G RAIT MUSIK
 8.30PM G ELITE MUSIC ZONE
 9.00PM PG CUSTOMS
 Underbelly's Damien Walsh-Hawling presents the compelling return of Customs. Drug traffickers, people smugglers and international terrorists all caught red-handed by customs officers. (New Series)
 9.30PM M FOOTY SHOW (return for 2010) Join Paul "Fatty" Vautin and Andrew Voss for the 2010 Footy Show. The boys bring you all the latest news, views and gossip from the 2010 NRL competition and the wider sporting world in their own unique and humorous style.
 11.00PM G NATIONAL EMTV NEWS REPLAY
 11.30PM Australia Network

FRIDAY, APRIL 2 2010

4.59AM STATION OPEN
 5.00AM G JOYCE MEYER: Enjoying Every Day Life
 5.30AM G TODAY
 9.00AM EMTV PRIME TIME LINEUP
 CLASSROOM BROADCAST

9.20am - Grade 7 Mathematics (repeat)
 10.10am - Grade 7 Science (repeat)
 11.00am - Grade 8 Mathematics
 11.50am - Grade 8 Science
 12.40pm - Grade 6 Mathematics (repeat)
 1.30pm - Grade 6 Science (repeat)
 2.30pm - DEPI Programme
 2.59PM STATION OPEN
 KIDS KONA
 3.00PM G EASTER SONG
 KIDS EASTER SPECIALS
 One and a half-hour of Easter Specials for kids to enjoy.
 3.30PM G EGG CELLENT
 4.00PM G EASTER IN BUNNYLAND
 4.57PM G EMTV TOK SAVE
 5.00PM G HOT SOURCE
 5.29PM G EMTV NEWS UPDATE
 5.30PM G WHO WANTS TO BE A MILLIONAIRE - HOT SEAT
 CRIME STOPPERS
 5.55PM G NATIONAL EMTV NEWS
 6.00PM G A CURRENT AFFAIR
 6.30PM G IN MORESBY TONIGHT
 7.00PM G EMTV TOK SAVE
 7.27PM G FRIDAY NIGHT FOOTBALL
 7.30PM G Storm v Dragons
 FRIDAY NIGHT LATE
 Roosters v Broncos

11.52PM G NATIONAL EMTV NEWS REPLAY
 12.00PM Australia Network

SATURDAY, APRIL 3 2010

11.59AM STATION OPEN
 12.00PM PG THE SENSITIVE SAMURAI
 A classic samurai drama, set in the 18th century; tragedy, honour, revenge, love, tears, laughter and swordsmanship extraordinary.
 The hero Matahachiro flees to Edo (now Tokyo) after becoming embroiled in a feud and killing his sweetheart's father. He finds work as a bodyguard, but spends a good deal of his time defending himself. He even crosses paths with the real-life "forty-seven ronin," who are seeking revenge for the forced suicide of their lord.
 Meanwhile, Matahachiro cannot forget his sweetheart back home.
 1.00PM PG SURVIVOR SAMOA
 3.30PM G SUPER 14: Blues v Bulls
 From Auckland.
 4.00PM G TOTAL RUGBY
 5.00PM G THE GARDEN GURU
 5.30PM G MXTV
 6.00PM G NATIONAL EMTV NEWS
 6.30PM PG AUSTRALIA'S FUNNIEST
 7.30PM EMTV TOK SAVE

7.40PM G SUPER 14
 "LIVE"
 Waratahs v Cheetahs
 From Sydney.
 9.40PM PG WWE AFTERBURN
 10.40PM G IN MORESBY TONIGHT
 11.20PM PG ELITE MUSIC ZONE
 11.40PM G N/EMTV NEWS REPLAY
 11.30PM Australia Network

SUNDAY, APRIL 4 2010

6.29AM STATION OPEN
 6.30AM G IT IS WRITTEN:
 7.00AM G HILLSONG
 7.30AM Australia Network
 9.29AM STATION RE-OPEN
 10.00AM G WIDE WORLD OF SPORTS (Returns for 2010)
 11.00AM G SUNDAY FOOTY SHOW
 12.00PM G SUNDAY ROAST
 1.00PM G WWE AFTERBURN
 2.00PM G SUPER LEAGUE
 Hull KR v Wakefield
 All the action of the Super League
 4.00PM G SUNDAY FOOTBALL
 Bulldogs v Roosters
 NATIONAL EMTV NEWS
 6.00PM G DOMESTIC BLITZ
 7.30PM G 60 MINUTES
 8.30PM PG SUNDAY NIGHT MOVIE PR

TORO



BIABIA



KANAGE



TOKWIN

LIKLIK MAKET KAMAP KLOSTU LONG GAVMAN OPIS...

Planti kain kain maket i wok long kamap arere long ol bus klostu long Waigani Gavman ofis. Ol manmeri i kukim kon na salim na tu salim kaikai bilong stua olsem bisket na sispop na ol drink. Planti ol stua i stap longwe na ol pablik sevans i save pasim tingting tasol na go baim ol samting long ol dispela lain. Wanpela samting tu em ol lain long hap ya i save mekim save long pilai kas olsem ol i stap long ples bilong ol.

Ol save hait gut tru insait long ol lain banana na mekim save long pilai kas. Sampela ol pablik sevans tu save joinim ol dispela kandis.

NIDIM BAS SEVIS INSAIT LONG ENSISI...

Moabeta wanpela bas i mas mekim ron bilong en igo insait long Ensisi Veli long Mosbi. Dispela strit em bikpela strit, tasol ol manmeri save taitim bun tru long wokabaut igo daun long Waigani na kalap long bas na go kam long wok. Ating wanpela bas sevis wantaim nupela namba i mas bihainim dispela rot.

KAPRIS TOKAUT...

Kalabusman na man husat i go pas long stil long ol benk, William Kapris i tokaut long planti samting long wanpela vidio teip. Planti manmeri long pablik i wok long askim sapos polis bai mekim wok painimaut igo insait long wanem Kapris i tokaut long en o nogat. Planti i wok long askim strong tru olsem husat ol MP i sapotim dispela raskol wok i mas go kalabus. Tasol husat i ken mekim dispela.

Tokwin Tasol...

M	A	N	U	S	N	A	L	I	A	H	N	E	T	S	E	W
Y	A	M	U	K	S	I	N	O	L	A	R	T	E	K	E	D
I	S	D	E	A	R	M	E	L	A	R	T	N	E	S	P	C
S	R	E	A	E	I	S	S	E	P	I	K	F	T	A	O	N
N	S	B	V	N	C	L	Q	O	I	R	N	E	V	I	K	E
U	N	O	W	R	G	I	A	R	W	P	N	I	O	C	L	S
B	J	R	Q	T	S	U	F	N	H	I	F	A	T	V	I	N
R	B	O	G	E	N	V	I	L	C	O	H	S	I	D	B	A
I	C	M	S	U	B	R	W	E	T	K	N	E	M	N	Y	L
T	E	C	D	I	S	I	M	B	U	L	B	Z	R	U	F	I
E	N	G	A	O	P	E	Z	E	S	N	P	V	E	A	C	A
N	T	A	E	L	U	W	S	W	E	H	I	P	D	D	O	H
S	W	R	P	K	I	D	A	L	Y	Y	O	L	F	N	U	N
W	E	S	N	U	B	R	I	T	E	N	I	A	P	A	N	E
R	E	I	Y	X	N	M	C	F	O	I	M	G	P	S	B	T
T	N	M	S	W	A	I	O	B	N	C	V	F	P	T	C	S
S	A	U	T	E	N	H	A	I	L	A	N	S	O	R	O	I

Painim ol dispela provins bilong yumi:

MANUS	NU AILAN	IS NU BRITEN	WES NU BRITEN
BOGENVIL	MOROBE	MILEN BE	NCD
WESTEN	ORO	IS SEPIK	SANDAUN
MADANG	ENGA	SIMBU	GALP
SENTRAL	WESTEN HAILANS		ISTEN HAILANS
SAUTEN HAILANS			

	1	8			7	6		
		2				5	7	1
		7			9		3	
		1		4		3		6
9	3			6			2	5
2	6			7		4		
	8		7			9		
1	6	3				2		
		9	3			1	5	

4	5	6	3	2	8	9	7	1
2	9	1	6	4	7	5	3	8
8	3	7	5	9	1	4	6	2
6	1	8	2	5	4	7	9	3
7	4	3	8	6	9	2	1	5
9	2	5	1	7	3	8	4	6
1	8	9	7	3	5	6	2	4
3	7	2	4	8	6	1	5	9
5	6	4	9	1	2	3	8	7

Ansa bilong las wik Sudoku

Ansa bilong las wik Pasol

A	I	R	N	I	U	G	I	N	I			K	A	G	O	A
P	S	S	I	A	L	E	T					I				R
L	E											A				L
E	A	E									E	N			S	I
S	I	I									D				U	N
B		P	N								I	P			T	E
A	I	J									T				I	K
L	T										A				A	I
U	I										K	N			E	S
S	R										S	E			T	E
U											D				T	E
V											N				K	
T	K										A				S	I
I	E	L									P	A	I	L	O	T
S															B	A
I											J	I	U	S	E	A

EMTV Television Guide

MIERE: DECEMBER BOYS
(2007 Drama/Romance - One summer, four orphan boys who have grown to be the closest of friends find themselves competing for the attention of the same family.
Stars: Daniel Radcliffe, Lee Cormie, Christian Byers, James Fraser.

10.30PM G HILLSONG
11.00PM G NATIONAL EMTV NEWS REPLAY
11.30AM Australia Network

MONDAY, APRIL 5 2010

5.00AM G JOYCE MEYER Religious Program
5.30AM G TODAY
9.00AM EMTV PRIME TIME LINEUP CLASSROOM BROADCAST
9.20am - Grade 7 Mathematics
10.10am - Grade 7 Science
11.00am - Grade 8 Mathematics
12.00pm - Grade 8 Science
12.40pm - Grade 6 Mathematics
1.30pm - Grade 6 Science
2.30pm - DEPI Programme

KIDS KONA
3.00PM G THE EGGS
3.30PM G HI-5
4.00PM G THE PYRAMID

4.30PM G THE SHAK
4.57PM G EMTV TOK SAVE
5.00PM G HOT SOURCE
5.29PM G EMTV NEWS UPDATE
5.30PM G WHO WANTS TO BE A MILLIONAIRE - HOT SEAT CRIME STOPPERS
5.55PM G NATIONAL EMTV NEWS
6.00PM G A CURRENT AFFAIR
6.30PM G TOK PIKSA
7.00PM G EMTV TOK SAVE
7.27PM G KINGAL MINISTRIES: (tba) Religious program
8.30PM G SUPER LEAGUE Hull KR v Hull FC All the action of the English super league competition

11.00PM G NATIONAL EMTV NEWS REPLAY
11.30PM Australia Network

TUESDAY, APRIL 6 2010

5.00AM G JOYCE MEYER Religious program
5.30AM G TODAY
9.00AM EMTV PRIME TIME LINEUP CLASSROOM BROADCAST
9.20am - Grade 7 Mathematics
10.10am - Grade 7 Science

11.00am - Grade 8 Mathematics
11.50am - Grade 8 Science
12.40pm - Grade 6 Mathematics
1.30pm - Grade 6 Science
2.30PM - DEPI Training
2.59PM STATION REOPEN
KIDS KONA
3.00PM G THE EGGS
3.30PM G HI-5
4.00PM G THE PYRAMID
4.30PM G THE SHAK
4.57PM G EMTV TOK SAVE
5.00PM G HOT SOURCE
5.29PM G EMTV NEWS UPDATE
6.00PM G NATIONAL EMTV NEWS
6.30PM G A CURRENT AFFAIR
7.00PM G HAUS & HOME
7.57PM G EMTV TOK SAVE
8.00PM PG CRUSOE
Based on the classic Daniel Defoe novel, this 13-part drama promises plenty of action and adventure. The story revolves around a man named Robinson Crusoe who, along with his companion Friday, get stranded on an island for 28 years.
9.00PM G SUPER LEAGUE St. Helen v Wigan
11.00PM G EMTV NEWS REPLAY
11.30PM Australia Network

WEDNESDAY, APRIL 7 2010

5.00AM G JOYCE MEYER Religious Program
5.30AM G TODAY
9.00AM EMTV PRIME TIME LINEUP CLASSROOM BROADCAST
9.20am - Grade 7 Mathematics
10.10am - Grade 7 Science
11.00am - Grade 8 Mathematics
11.50am - Grade 8 Science
12.40pm - Grade 6 Mathematics
1.30pm - Grade 6 Science
2.30PM - DEPI Training
2.59PM STATION OPEN
KIDS KONA
3.00PM G THE EGGS
3.30PM G HI-5
4.00PM G THE PYRAMID
4.30PM G THE SHAK
4.57PM G EMTV TOK SAVE
5.00PM G HOT SOURCE
5.29PM G EMTV NEWS UPDATE
5.30PM G WHO WANTS TO BE A MILLIONAIRE - HOT SEAT
5.55PM CRIME STOPPERS
6.00PM G NATIONAL EMTV NEWS
6.30PM G A CURRENT AFFAIR
6.57PM NEWS UPDATE IN TOK PISIN
7.00PM PG THE WORLD AROUND US:

Wildlife Man featuring David Ireland: Convict Island. Come away with David Ireland and explore the northern habitats of the Great Barrier Reef where we encounter ocean giants. We then travel out to see to a Convict Island to search for one of the rarest sea creatures.
7.57PM EMTV TOK SAVE
8.00PM PG 20 TO 1: Hollywood Sexiest Hosted by Bert Newton, counting down the most beautiful, most desirable women of the silver screen. From Hollywood's greatest icons to the hottest actresses today, these woman have captivated the audience with their beauty, charm, charisma and talent. But of all the women ever seen in the cinema, who is the sexiest of all time?
9.00PM M WEDNESDAY NIGHT MOVIE: OLD SCHOOL - (2003) Comedy - Three old school friends disillusioned with their personal lives, form their own fraternity in a new house on college campus to relive their glory days by bringing together a variety of misfit college students, losers, middle-aged and elderly retirees as their new friends.
Stars: Luke Wilson, Will Ferrell, Vince Vaughn.
11.00PM G NATIONAL EMTV NEWS REPLAY
11.30PM Australia Network

Raun wantaim Kanage olgeta wik



Omo sop save

KANAGE i stilim referens bilong tambu man bilong long Wewak na ronawe i go long Madang long painim wok mani. Em i no save gut long tok pisin na inglis. Em soim referens long ol wantok na ol i tokim em long go sekim bos bilong Awin trenspot na kisim posisen olsem dosa opereta.

Taim baga i go long opis em i tromoi referens long pes bilong bos na sanap.

Taim bos i lukim referens pinis em tokim em olsem Helo Tau, what can i do for you? Kanage harim na bekim olsem, 'sori bos, mi no bilong Alotau, mi bilong Sepik ya'. Bos harim na paul na askim em, 'Are you mad?' Kanage bekim ken olsem, 'Sori bos, mi no bilong Madang.

Mi Kanage bilong Sepik ya.



Aste tasol mi kisim Sepik long Madang na painim wokman'. Bos askim em gen, 'Are you stupid?' Kanage harim na tok, 'yes bos mi bilong Sepik ya, deti wara'. Bos belhat na tromoi referens bilong na tokim em, 'Get out and go home!' Tasol taim Kanage i harim, em ting bos i toktok long susa ya. Getrud na omo sop na em tokim bos, 'yes bos mitupela Getrud i kam na em i go long stoa baim omo sop'. Sapos yu laik, mitupela i ken go na yu sekim susa Getrud, ating em kisim omo sop pisin ya.

Nagsibam Jooi Madang.

'I'm with your other half'

KANAGE em polisman bilong Rigo na maritim meri Buka. Tupela save stap long Kwikila stesin. Wanpela taim kanage i go dring bia long M. Rua Treding i go inap biknait.

Em i spak na wokabaut go bek long haus. Sem taim pawa tu i blek aut na kanage i no lukim gut ol samting.

Em i kamap long haus na i lukim dok bilong ol i slip long verenda.

Spak sens kanage ting olsem em meri bilong em na holim pasim na tokim em, 'oh my leva lalokau, noken kros long mi'. Meri bilong Kanage harim na ting olsem em toktok wantaim wanpela meri na em i bikmaus insait long haus.

'Kanage yu toktok wantaim husat?

Kanage kirap nogut na bekim long Ingkis I'm with your other half'.

Gabi Waire Waigani.

Ol skwat!
Salim ol gutpela Kanage tok pilai i kam long:
Kanage Tok Pilai
P.O. Box 1982,
Boroko, NCD
Port Moresby.
Email:
atolire@wantok.com.pg

Bai yu i gat sans long winim "Raitman Kanage" t-siot!

Laipplain i kam bek long Wantok

Sotpela histori bilong Laipplain na wok em i mekim

LAIPPLAIN i kam bek gen long Wantok Niuspepa long givim ol kaunseling na stia tok sevis long ol wari na hevi ol man na meri i bungim long kain laip yumi stap long em tude. Wari na hevi long sait bilong sosel, tingting, skul, wok, famili na ol narapela eria moa.

Wantok Niuspepa bai putim ol pas we ol kaunselor, ol sosel woka na ol dokta i save wok long ol eria bilong hevi bai givim ol tok stia long man na meri i ken bihainim long abrusim na senis i ken kamap long laip na sindaun bilong ol.

Liklik histori bilong Laipplain PNG. Laipplain em i namba wan NGO Kaunseling sevis insait long PNG. Em i statim wok long givim fri kaunseling long kantri long yia 1973 yet. Ol sios insait long kantri husat i ranim o stiaim ol wok bilong Laipplain em long Angliken, Baptis, Katolik, Luteran, Salvesen Ami, Seven De Edventis, Yunaitet Sios na ol Pentekostel sios.

Ol sevis we Laipplain i givim i go long jenerel pablik i fri. Kaunseling sevis i save go long ol pipel insait long Nesenel Kapitel Distrik, Sentrel provins na long ol narapela hap long PNG long ol kain rot. Em long toktok wantaim na ol meri i stap long hevi ples long NCD na Sentrel provins, Ol pas o kaunseling long ol pas, telepon na midia kaunseling i bilong pipel long olgeta hap bilong kantri. Wanpela pas i save kamap wanpela taim insait long wanpela wik long tupela midia niuspepa kampani olsem Post Courier na Wantok Niuspepa. Ol kain hevi Laipplain i save kisim ol pas, toktok wantaim ol manmeri long ol na glasim na skelim em long: Ol kain wari na tingting i go paul, spakbrus na strongpela dring, HIV AIDS, laik kilim ol yet na boipren na gelpren wari. Seksuel wari, marit laip, kros pait long famili, famili, sosaiti i no bisi long ol na wari long nogat mani



o mani i sot, i no marit na karim pikinini, bagarapim pikinini, wari long mani, stap long bikpela wari, sori na reip pasin.

Antap long ol dispela wok, Laipplain i save karimaut ol wok trening i go long ol sumatin na ol tisa husat i wokim fri kos long PNG Edukesen Institut long tupela wik.

Laipplain senta i givim trening i go aut long samting olsem 600 pipel taim em i kirapim wok trening bilong em. Planti em ol i kisim save na kamap olsem ol kwalifaid Laipplain Volantia kaunselor. Stat long taim ol i givim kaunseling trenin g i go long ol tisa long yia 2008, ol i trenim pinis moa long 60 praimer skul tisa o wokim kos long PNG Edukesen Institut na ol i kam long olgeta hap bilong kantri.

Maski komyuniti, ol sios na gavman i no givim luksave long fri kainseling sevis we Laipplain i save givim, God i gutpela. Wanpela lotu tasol em Katolik Sios i save givim mani sapot bilong em long Laipplain olgeta yia.

Wantaim nupela menesmen, Laipplain i gat pinis 20 yia stretjijik plen bilong em. Em i gat plen long isi isi wokim ol opis long ol provins. Tasol nau, em i laik stretim ol haus bilong em long Mosbi senta na tu, kamapim gut na strongim humen risos o ol woklain bilong em.

Laipplain i gat 24 awa Hotlain projek na em i tok tenkyu long NCD Gavana Powes Parkop long lonsim dispela projek. Na aninit long dispela, ol bai stretim ol propeti bilong Laipplain. Em i autim bikpela tok amamas long Gavana i laik wok wantaim ol

lain husat i givim fri sevis long siti bilong helpim pipel. Bikos long mani helpim na sapot bilong Gavana Powes Parkop, Refius senta ol meri na pikinini i stap long hevi i save go stap long em ol i stretim na i op nau long skruim wok bilong em. Senta i save helpim namel long 4-6-pela mama long tupela wik. Tu, senta i gat liklik klinik we wanpela nes na voluntia kaunselor i save wok long em. Ol i save givim marasin long 15-pela siklain long olgeta de.

Long dispela yia, Laipplain i gat plen pinis long ranim ol Besik Kaunseling Trening kos, strongim ol marit woksop, woksop long ol lain i laik marit, ol edukesen awenes program bi-

long ol yangpela.

Laipplain i salim bikpela tok tenkyu i go long God long lukim olsem em (Laipplain) i skruim wok long dispela ol hautpela taim. Tu, em i laik tok tenkyu i go long ol dona na spona bilong bipo, ol spona, ol sios na ol poroman long ol sapot na preia yupela i givim. Na tu, ol lain i save stap na lukautim ples na givim sapot bilong ol.

Sapos yu laik save moa long Laipplain, ringim opis long **telepon namba 3261680/3405833 o Hotlain namba 3260011/3233138.**

God i ken blesim yupela!

Laipplain

Painim Tok! Raitim daun wanem pani samting yu ting i gutpela insait long babol long poto...

Salim Plis Kol Mi em, *126 yah!

No mamil *127# yah!

Paol paol stap! Mobail bai lok stret!

BAI YU WINIM WANPELA WANTOK T-SIOT O LAPLAP!

Salim i kam long: Pani Toktok Kompetisen, P.O. Box 1982, Boroko, NCD Port Moresby - Sapos mipela i lukim wanem samting yu raitim i gutpela bai yu winim wanpela Wantok T-Siot o laplap na bai mipela i putim i go insait long pepa.

Wina bilong dispela kompetisen em: Hazel Sakail, P.O. box 950 Wewak, ESP

Mobail: 9761 72 28/ 729 5845

Kam long tok:

NEM: James Pange
KRISMAS: 21 (man)
ADRES: Johnson Holding PNG Ltd, P O Box 363, Vanimo, Sandaun Province
SAVE LAIKIM: Pilai soka, go lotu na wok gaden.

NEM: Joe Kay
KRISMAS: 21 (man)
ADRES: P O Box 1289, Goroka, Eastern Highlands Province
SAVE LAIKIM: pilai spots, harim musik, go lotu mekim fani.

NEM: Martin Amakua
KRISMAS: 24 (man)
ADRES: Dregerhefer Tech Secondary School, P O Box 27, Finschafen, Morobe Province
SAVE LAIKIM: Stori, mekim pani, raitim pas na harim musik.

NEM: Nane M. Talu
KRISMAS: 19 (man)
ADRES: C/- P O Box 1976, Port Moresby, NCD

SAVE LAIKIM: Mekim pren, mekim pani, skul, pilai spot na harim musik.

NEM: Gebi Jeff
KRISMAS: 20 (man)
ADRES: Tifalmin Primary school, P O Box 36, Sandaun Province
SAVE LAIKIM: Mekim pani, stori, go lotu, harim musik, na ritim buk

NEM: Brenton Teyok
KRISMAS: 24 (man)
ADRES: Tifalmin Primary school, P O Box 36, Sandaun Province
SAVE LAIKIM: Swim, pilai spot, harim musik, singsing, go lotu, harim musik, danis, stori, raitim pas na ritim Baibel

NEM: Bonny Kusunan
KRISMAS: 22 (meri)
ADRES: C/- P.O Box 2140, Madang, Madang Province
SAVE LAIKIM: Pilai netbol na mekim pren.

NEM: Nianda Malaku
KRISMAS: 32 (meri)
ADRES: c/- Jenny Malaku, P.O Box 2140, Madang Province
SAVE LAIKIM: Mitim pren, go lotu, harim musik, na raitim pas.

NEM: Nickolas Kelly
KRISMAS: 25 (man)
ADRESS: P.O Box 524, Maprik, East Sepik Province
SAVE LAIKIM: Pilai gita, pilai spot, harim musik, na tok pilai

NEM: Joe Khay
KRISMAS: 23 (man)
ADRES: P.O Box 1289, Goroka, Eastern Highlands Province
SAVE LAIKIM: Pilai spot, mekim pani, makim pren na go lotu

Bai amamas long meri kamapim Agrikalsa grup

Senior Anzu i raitim

SIAMAN bilong Rurel Industri Brown Bai i tok amamas long ol meri long Papua Niugini long ol statim grup ol i kolim PNG Meri long wok bilong Agrikalsa Developmen Faundesen.

Dispela bung i kamap wantaim helpim bilong Gavman bilong Australia.

"Ol meri long dispela kantri i kamap wantaim tingting bilong ol yet long kamapim kain grup olsem.

"Mi amamas long tingting bi-

long ol na mi bai tivim sapot bilong mi i go long ol.

"Ol meri long PNG i save go pas long wok bilong agrikasa we ol i save mekim wok gaden na olsem arapela samting bilong faming," Mista Brown i tok.

Em i tok wantaim kain grup olsem Gavman na ol arapela ejensi i helpim sindaun na laipstail bilong ol meri na famili bilong ol.

Gavman bilong Australia i amamas tu long sapotim tingting bilong strongim Papua Niugini meri long wok agrikalsa.

Gavman bilong Australia i bung wantaim ol developmen patna, praivet sekta na Nesenel Gavman na Morobe Provinsel gavman we ol i bung long Lae, Morobe Provins long Tunde na Trinde dispela wik.

Long dispela bung ol i kamapim oganaisesen ol i kolim Papua Niugini Meri long Agrikalsa Developmen Faundesen.

Long dispela bung ol i kisim sapot long kamapim Stratejik Plen bilong Faundesen.

"Ol meri oltaim i save strongim famili long sait bilong

faming long PNG.

"Ol i mekim gaden, putim kaikai long tebol na salim wanem kain liklik samting long sapotim famili.

"Long dispela bung mipela i lukim ol toktok i traim long sapotim dispela Faundesen.

"Dispela grup i gat inap olsem 3,000 husat i stap long 14 provins long kantri we ol i kamap wantaim ol tingting long mekim wok developmen long kantri.

"Long dispela faundesen ol meri i hop long strongim mak bilong ol long mekim disisen long ol gavman opis, moa long wok bi-

long kamapim kaikai na strongim famili na komyuniti.

"Australia i givim bikpela sapot bilong ol long dispela tingting," Dave Vosen, eking hetman bilong AusAID long PNG i tok.

As tingting bilong kamapim dispela grup em long lukim ol rait atoriti na opis i harim krai bilong ol meri PNG na givim sapot long wok didimeri na faming bilong ol.

Inap long tude i gat 23 rejisted grup, 12-pela asosieted memba we i stap long 14 provins.

Na 23 rejisted grup i makim 3,000 memba long kantri.

MRA helpim long kamapim wara

MINAREL Risoses Atoriti (MRA) i amamas long bung wantaim long PNG WotaBod long kamapim nupela wara sistem long taun bilong Alotau, Milen Be Provins.

Sinia Haidrojolojis bilong MRA, Simon Egara husat i go pas long dispela projek, i tok atoriti i kamapim dispela wara saplai bihainim hevi em Alotau i gat long em long sot long wara.

Dispela sot long wara i kamap bikos long planti wok developmen i kamap na namba bilong ol manmeri i kamap bikpela.

Em i tok mak bilong wara sistem long dispela taim i stap long 2 mega lita long wanpela de we mak bilong laik taun i laikim i stap long tripela (3) mega lita long wanpela de.

Em i tok MRA i pas long dispela wok bikos PNG WaraBod i askim.

Na bihainim dispela askim MRA i mekim wok painim we



LASPELA HAP: Klin wara long graun we i kamaut long wel.

em i painim wanpela gutpela hap bilong kisim wara na i kamapim dispela wara saplai.

Em i tok ol wok painim i bin kamap gut we grup bilong en i drilim tupela hul na

painim wara.

Grup bilong en i stap long Alotau long Mas 4 i go inap long Mas 22 long lukim olsem dispela wok dril i kamap gut.

Saveman bilong atoriti wan-

taim bilong WaraBod i traim wara we i gutpela dring na olsem ol i kamapim wara saplai.

Tasol dispela wara i no inap go stret long ol manmeri tasol

WaraBod bai mas klinim na putim marasin bipo long wara i go long ol manmeri long yusim.

Egara i tok namba tri dril em grup bilong en bai drilim long Jun na Julai bihain long dispela yia.

Ol enjinia bilong PNGWB bai disainim paipain na sanapim dispela pam long ol hol we ol i digim long em.

Na bihain tu long dispela yia ol bai putim ol tang bilong wara i go long ol.

Wantaim dispela wara saplai Atoriti wantaim PNGWB i hop olsem ol manmeri bai i no ken sot long kisim wara moa.

MRA Menesing Dairekta Kepas Wali i tok long MRA i kisim kain askim na mekim wok i soim olsem atoriti i gat ol bikpela wok long mekim tu.

Na em i askim ol arapela opis na ejensi olsem sapos ol i laikim helpim ol i no ken tingting planti long askim atoriti long givim helpim.

Nambawan Supa mekim K191 milion win mani

Paul Zuvani i raitim

NAMBAWAN Supa i tokaut long dispela wik long bihain long takis i mekim olsem K191 milion win mani long 2009 mani yia bilong en.

Wantaim dispela em i tokaut long givim 10 pesen interes kredit reit (win mani) i go long ol memba bilong en.

Dispela 10 pesen i min K236.5 milion.

Na dispela i go tu long ol ritaia memba (Ritaia Seavings Akaun-RSAs) bilong en tu.

Siaman bilong Fan Se Nagora Bogan i tokaut long dispela long hetopis bilong fan long Era Rumana long Mosbi.

Em i tok rausim dispela 5.7 pesen bilong dinau o sas (inflisen) fan i gat 4.3 pesen.

Em i tok bihain long ol senis em fan i kamapim dispela em i namba

7 yia em fan i kamapim win mani we i gat dabol dijit long em.

Em i tok Bod i tok orait tu long tri (3) pesen long ol memba husat i lusim fan long 2010.

"Long mekim disisen bilong enuel reit dispela em i bikpela samting long Bod bilong Dairekta."

"Mipela i mas skelim sapos disisen mipela bai mekim bai i no inap long bagarapim stap na wok bilong fan."

"Bod i mas lukim olsem ol akaunts i bihainim ol stretpela wok bilong wok akaunting na olsem fan i no lus long mekim win mani," Se Nagora i tok.

Em i tok long bihainim oda bilong Benk bilong Papua Niugini fan long ol gutpela taim olsem ol taim we PNG Likwifaid Neturel Ges (LNG) projek bai kamap long em i mas putim long sait sampela mani long redim ol taim nogut we

bai kam bihain.

"Long tok stret Bod i no inap long pinisim seavings bilong yu na givim yu giaman win mani."

"Olsem yu mas amamas supanuesen i kamap bilong stap."

"Wok bilong Bod em long lukim olsem fan i stap longpela taim long ol yia i kam maskim sapos wanpela memba i pinis long wok na stap nating long planti yia."

Em i tok taim orait bilong tok yesa long givim win mani kamap ol risev i go antap long K74.7 milion long 2009 we pastaim long dispela i stap long K66.6 milion long 2008.

Totel invesmen bilong fan long 2009 i stap long K2.83 milion we long 2008 i bin stap long K2.62 milion.

Long 2009 Fan i gat olsem 113,564 memba na i bilip dispela namba bai go bikpela moa long ol yia i kam.



GUTPELA MAK: (L-R) Sif Eksekutiv Opisa bilong Fan Leon Buskin wantaim siaman Se Nagora i sindaun autim amamas bilong fan. Foto: Paul Zuvani

Strongim meri PNG long wok agrikalsa

GAVMAN bilong Australia i amamas long sapotim tingting bilong strongim Papua Niugini meri long wok agrikalsa.

Gavman bilong Australia i bung wantaim ol developmen patna, praivet sekta na Nesenel Gavman long Lae, Morobe Provins long Tunde na Trinde dispela wik we ol i kamapim oganaisesen ol i kolim Papua Niugini Meri long Agrikalsa Developmen Faundesen.

sapot long kamapim Stratejik Plen bilong Faundesen.

"Ol meri oltaim i save strongim famili long sait bilong faming long PNG."

"Ol i mekim gaden, putim kaikai long tebol na salim wanem kain liklik samting long sapotim famili."

"Long dispela bung mipela i lukim ol toktok i traim long sapotim dispela Faundesen."

"Dispela grup i gat inap olsem 3,000 husat i stap long 14 provins

long kantri we ol i kamap wantaim ol tingting long mekim wok developmen long kantri."

"Long dispela faundesen ol meri i hop long strongim mak bilong ol long mekim disisen long ol gavman opis, moa long wok bilong kamapim kaikai na strongim famili na komyuniti."

"Australia i givim bikpela sapot bilong ol long dispela tingting," Dave Vosen, Ekting hetman bilong

AusAID long PNG i tok.

Dispela bung we het tok bilong en i stap olsem 'Givim Luksave long Tingting bilong ol Meri long Wok bilong Agrikalsa' i kisim ol meri olsem Yunivesiti bilong Kenbera long Australia, Nesenel Agrikalsa Risets Institut, Dipatmen bilong Agrikalsa na Laipstok, Opis bilong Rurel Developmen na sampela ol memba bilong Australia Meri long Agrikalsa grup.

PNG Faundesen presiden Maria Linibi i tok amamas long ol toktok i kamap long dispela bung.

"Mi amamas long kamap bilong olgeta lain husat i memba o i gat tingting long kamap memba long dispela bung."

"Mi gat bilip olsem ol samting em mipela i toktok long dispela bung bai strongim gut wok bilong ol meri long wok bilong agrikalsa," Misis Linibi i tok.

Kirapim bek bilong Ossima kau fam

OLGETA papagraun long Ossima, Vanimo Sandaun Provins we wanpela kau fam i bin stap long em i laik bai fam i mas kirap bek.

David Osi, bipo kaunsilman na man husat i go pas long dispela tingting i tok kamap bilong dispela fam bai helpim gut lokol komyuniti long mekim mani.

Mista Osi i tok wok bilong agrikalsa na stap bilong ol arapela bikpela sevis long Vanimo-Green Distrik i pinis long taim kau fam i pinis long sampela yia i go pinis.

Em i tok long taim i go pinis Katolik Sios i kamapim planti gutpela samting long Ossima kau fam i stap wantaim ol samting olsem pigeri, ol arapela laipstok na ol saior samting.

Long bung i kamap long las wik Osi i tokim ol manmeri olsem ol i gat gutpela bus, diwai na graun bilong lukautim kau.

Em i tok kamap bilong Ossima kau bai sapotim ol kastoma long Vanimo na ol arapela distrik long Sandaun na Wes Papua wantaim.

Namba bilong ol manmeri i wok long kamap bikpela long Vanimo na ol arapela komyuniti na olsem laik bilong kau mit tu bai kamap bikpela.

Em i tok planti ol manmeri i gat save bilong lukautim kau na olsem ol i no mas kisim save gen long mekim

dispela wok.

Tasol i tok bikpela as tingting em long mekim gavman i luksave long wok i stap na givim helpim long sait bilong mani na teknikal long strongim dispela projek.

"Mi laikim bai helpim bilong gavman long kirapim bek kau fam na ronim."

"Kau fam i bin save helpim gut lokol komyuniti long abus na mani samting na kirap bilong en bai bringim gen dispela gutpela taim olsem bilong bipo."

"I gat sans bilong strongim komyuniti wantaim kirap bilong dispela kau fam na ol arapela laipstok projek.

"Yu ken groim wel pam tasol yu mas gat abus long stap strong na Ossima projek i dispela projek we bai strongim komyuniti long bodi.

"Taim kain sindaun i stap manmeri i ken go insait long kirapim ol arapela projek olsem wel pam, kaukau na kopi.

"Nogat wanpela man o meri bai kam na givim kaikai long yu," Osi i tok.

Em i tokim ol manmeri olsem wan wan bilong ol manmeri i gat save pinis na olsem ol i ken skruim tasol dispela save long kirapim dispela ol projek.

Em i tok em i kisim pinis sapot tok i kam long provin-sel gavman na Memba bilong Vanimo Green Belden

Namah long kirapim gen dispela projek.

Long dispela as em i askim ol arapela gavman ejensi long givim sapot long ol papagraun long kirapim gen kain wok olsem.

"Lus tingting long politik namel long yupela. Mipela i laik lukim developmen i kamap long mipela."

Na sapotim em Vais Siaman bilong Ossima Risese Ltd Kalistus Kelau na dairekta Paul Buep na Peter Bopi i tok planti papagraun i sapotim tingting bilong kirapim gen dispela projek.

Ol opisa bilong Gavman husat i kamap long bung i tok ol i kisim pinis toktok bilong ol manmeri na olsem ol bai helpim ol lokol manmeri long kirapim gen projek.

Paul Waiya husat i bin stap long taim long ples bilong kilim na katim kau i tok krismas bilong en i kamap long mak we bai pinis long wok na olsem em i askim long nupela man i kisim ples bilong en long wok.

Paul Waiya i wok inap long 30 krismas olgeta.

Long dispela wok Mista Waiya i tok arere long wok bilong kau ol manmeri bai wok long timba projek tu.

Bai gat ridvelopmen long Ambatua long Ossima Stesin. Long pastaim ol kau i stap kau i stap Ossima stesin i save helpim gut olsem 10,000 manmeri long



SEKIM GUT! Long-seving laipstok opisa Paul Waiya i sekim ol kau long banis bilong misin.



AMAMAS: Ol papagraun na komyuniti i stap klostu long kau fam i soim sapot long kirapim gen kau fam.

distrik.

Provinsel Agrikalsa ed-vaixa Francis Daink i tok agrikalsa i as bilong strongim komyuniti na olsem em i moa

gutpela long kirapim dispela projek.

Em i tok i gat planti graun long Vanimo-Green River na Distrik olsem dispela projek i

mas go het yet.

Inap olsem 200 ol papagraun, lidaman, meri na pikinini i givim sapot long dispela projek.



Fres gaden kaikai kapsait long Kupiano maket

James Kila i raitim

PLANTI ol rurel fres fud maket insait long Papua Niugini i save pulap tru long ol gaden kaikai. Na planti taim prais bilong ol dispela kaikai i save daunbilo tru.

Wanpela bilong ol dispela maket em Kupiano stesin maket insait long Abau distrik long Sentrol provins. Dispela maket save kamap olgeta Fraide moning stat long samting olsem 6-kilok long morn-ing na pinis long samting olsem 9-kilok. Na tru tumas planti kaikai bilong gaden i pulap tru long dispela ples.

Ol manmeri bilong Abau na tu ol ples long Cloudy Be na Amazon Be i save yusim ol kanu i

gat haus long en long seil o ron long solwara igo long Kupiano long salim ol gaden kaikai bilong ol long hap.

Planti ol gaden kaikai olsem banana, taro, wata-melon, pamkin na tu ol fres fis, kindam bilong solwara na tu kuka bilong solwara i save kapsait stret long dispela maket.

Wantok Niuspepa i bin mekim wanpela wok raun i go long Kupiano stesin ino long taim Igo pinis na i amamas tru long lukim planti ol kain kain gaden kaikai i stap long dispela maket.

Ol manmeri long ol outsait viles olsem Kelerakwa, Wanigela na tu ol ples long hap bilong Abau i save bringim ol gaden kaikai long bot i go na salim long dispela maket long Kupiano stesin.



BIKHET: Langer i tok sori na bai wokhat long stretim nem bilong em gen.

Langer tok sori long bikhet bilong em

ALLAN Langer i tok sori long bikhet pasin bilong em las wiken we i luk ol polis i sasim em long dring na draiv.

"Mi save olsem mi asua long dispela ol samting mi mekim na ol manmeri ken i gat belhevi long mi.

"Mi save olsem planti manmeri bai no inap amamas long mi bilong wanem mi no go pas long soim gutpela na stretpela pasin," Langer i tok long wanpela stetmen pepa dispela wik Tunde.

"Mi bai kisim wanem kain mekim save ol i givim long

mi na bai mi traim long noken mekim wankain samting olsem gen," em i tok.

Ol Broncos we Langer i save wok long ol olsem wanpela asisten kosa na trena i saspenim em long wok bilong em bihain long ol i harim stori bilong em.

Dispela em i namba wankain bilong em long mekim wanpela bikhet pasin insait long klap tasol ol Broncos i rausim em yet.

Langer i tokim klap tu olsem em bai sanap long kot long Epril 19.

Em i stap long saspensen

nau tasol klap bai lukluk long dispela gen bihain long ol i harim tok na sas bilong kot.

Tasol long wankain taim em i kisim dispela sas, sampela vidio piksa bilong Langer we sampela lain i bin kisim em i soim em i werim pens tasol na sanap antap long tebol na danis insait long wanpela nait klap.

Bihain tasol long dispela em i kalap long kar na draiv we ol i polis i holim em na sasim.

Langer i askim olgeta long noken givim hevi long em na famili bilong em.

Warriors bai lukim Sea Eagles

OL Warriors i opim ai bilong planti manmeri las wik taim ol i winim Brisbane Broncos long Brisbane yet.

Nau olgeta i tok ol i laik lukim ol Warriors i pilai olsem olgeta wik.

Tasol dispela wik ol i gat nupela salens, ol bai bungim Manly Warringah Sea Eagles.

Warriors i lusim namba wan gem bilong ol long dispela yia tasol i winim raun tu agensim Cronulla na raun tri agensim

Broncos.

Ol Sea Eagles i wok long ron isi isi tasol i painim sampela gem bilong ol tu taim ol i kisim namba wan win bilong ol long dispela yia long las wik wantaim 36-12 win agensim Newcastle Knights.

Tupela tim i luk wankain long pilai na rekot bilong ol dispela yia tasol maski Manly stap long namba 8 ples, ol i luk olsem, strongpela moa tim namel long tupela.

Ol Warriors i mas lukaut long ol kik bilong Manly bilong wanem ol i wok long kikim bal gut displea yia.

Planti bal bilong ol i go stret insait long hap bilong ol narapela tim na i save mekim hat long ol i kisim i kam bek hariap.

Long wankain taim Manly i mas lukaut long ron bilong Warriors.

Maski ol ino kik tumas tasol sait bilong ronim bal i kam bek em i narapela stori.

Dragons go pas



NAMBA WAN: Dragons fulbek, Darius Boyd em wanpela strongpela pilai bilong tim.

ST GEORGE ILLAWARRA Dragons i go pas long NRL resis bihain long tripela stret win bilong ol.

Ol i stap pas long Titans (2) na Storm (3) long sait bilong ol points ol i skoaim insait lng gem.

Roosters husat planti i bilip bai holim strong bihain long ol gutpela win bilong ol long raun wan na tu i lusim namba tri gem bilong ol bilong dispela yia na i go daun long namba 6 ples wantaim 4 points.

Ol i stap aninit long Warriors (4) na Tigers (5).

Dragons i bin kamapim wanpela gutpela sisen long 2009 we i lukim ol i winim tu maina prim-iaship taitol tasol i bin lus long semi fainol.

Dispela yia ol i stat gut na i soim pinis tingting bilong ol na wanem samting ol i laik mekim gen long dispela sisen.

Bikpela gem bilong Cayless

DISPELA gem bilong ol Parramatta Eels agensim Cronulla Sharks em i wanpela bikpela pilai bilong Eels kepten, Nathan Cayless.

Dispela em bilong wanem Cayless bai pilaim 200 gem bilong em long sinia gred.

Long dispela as i gat bilip olsem tim bilong em bai kirap long helpim em long mekim dispela i kamap olsem wanpela gutpela gem we em i na tim tu i ken tingim olgeta taim.

Tasol ol Sharks tu i no ron gut tumas na olsem na ol bai bungim bikpela salens tu sapos ol i no kirap strong na traim long pasim ol Eels.

Ol Sharks i no winim wanpela gem yet long dispela yia tasol dispela wiken tu bai lukim bipo Eels hap bek, Tim Smith i kam bek long NRL olsem hap bek bilong ol Sharks.

Em i ken givim sampela laip long pilai bilong ol tasol Smith i tok em i wanpela man tasol na ol sapot i noken lukluk long em olsem man husat i nap long sevim tim.

Ol Sharks i mas lukaut long strongpela beklain bilong ol

Eels. Taim Timana Tahu, Krisnan Inu, Jarryd Hayne na Eric Grothe i laik paia em bai ol i painim bikpela hevi tru long stopim ol hariap.

Long wankain taim, ol Eels i save long pilai bilong Smith na i mas was long ol liklik ron na kik bilong em tu.

Em bai hat long stretim pilai bilong ol Sharks insait long wanpela wik tasol Smith i ken givim sampela kain stia long tim.



BIKPELA GEM: Dispela bai namba 200 gem bilong Cayless.

Raun 3 Poinis leda

Tim	W	L	D	B	+/-	Pts
1 Dragons	3	0	0	0	51	6
2 Titans	3	0	0	0	27	6
3 Storm	3	0	0	0	16	6
4 Warriors	2	1	0	0	40	4
5 Tigers	2	1	0	0	3	4
6 Roosters	2	1	0	0	-8	4
7 Bulldogs	1	2	0	0	22	2
8 Sea Eagles	1	2	0	0	16	2
9 Panthers	1	2	0	0	4	2
10 Rabbitohs	1	2	0	0	-5	2
11 Eels	1	2	0	0	-13	2
12 Cowboys	1	2	0	0	-23	2
13 Knights	1	2	0	0	-26	2
14 Raiders	1	2	0	0	-30	2
15 Broncos	1	2	0	0	-34	2
16 Sharks	0	3	0	0	-40	0

KIBUNG: Ol Hekari United pilaia i bung na toktok insait long fil lonfg wanpela NSL gem bilong ol dispela yia Ing Mosbi. Ol i winim O'lig pilai bilong ol agensim Marist FC las wik na i gat sans long go insait long fainols resis nau. *POTO: Andrew*



PAWA: Daniel Tovia bilong PNG Power i tromoi bal long gren fainol gem bilong ol las wik agensim Gazelle long Mosbi. Power i win.

Spot poto long Wiken!



RON: Butterflies fowet, Michael Boeo i bungim strongpela banis bilong ol Tarangau long ragbi lig gem bilong ol long Mosbi las wik Sande.

Poto: Nicky Bernard

LUKLUK: Senta bilong BSP i painim ol arapela wanpilai bilong em long givim bal long ol. Ol i bin pilai agensim FinCorp insait long netbol resis bilong ol praivet kampani.

POTO: Nicky Bernard.

Gigira kirap nogut long Besta

Bustin Anzu taitim

GIGIRA Laitepo Morobe FC i kirap nogut olsem ol liklik brata bilong ol, Besta United i ken pilai sampela kain soka, maski ol i winim ol 3-0.

Besta i givim bikpela presa long Gigira long namba wan hap bilong pilai bilong ol taim ol i bung long raun 17 bilong Nesinol Soka Lig (NSL) long Sir Ignatius Kilage stadium las wiken.

Long ol narapela pilai, Easi Loan Inter University i winim ol mangi long Flying Fox kantri, Niu Petro Madang Fox 2-0 na long Mosbi, CMSS Tigers i mekim save long Gelle Hills 2-1.

Dispela win bilong Gigira i kisim ol kam bek na ron insait long fainols bilong NSL



PAINIM ROT: Tawa (hansut) laik rausim bal long ol birua. POTO: Bustin Anzu.



KILIA: Wanpela pilaia bilong Gigira i laik abrusim Besta pilaia long NSL pilai long Lae las wiken wiken. POTO: Bustin Anzu.

na tu karamapim dispela lus bilong ol long Eastern Stars long wik i go pinis long Lae.

Gigira i kisim gutpela win na bihain salim kepten, Goroba Tawa i go mekim umben bilong Besta i surik.

Tawa i kisim bal long hap bilong em yet long fulbek na salim i go long ol pilaia bilong em yet na bihain ron i go abrusim ol Besta beks na go putim gol long go pas 1-0 long namba wan hap.

Long namba tu hap taim ol strongpela mangi bilong Gigira i kam wantaim paia, Besta i sot win.

Straika Pascal Wojen, winga Armstrong 'ambo' Peka na mangi kru sako bilong Wau Moses Sine i go insait na ronim fran lain taim eking difenda na "Man-of-the-Match" pilaia, Hardy Manase i wok long rausim ol lus bal long baksait.

Besta i pinis long win taim ol Gigira i pilai strong na kepten Ronald Ball i ron sotwin wantaim tingting long putim ol mangi long wanem posisen.

Tasol em i no wari long strongim ol mangi bilong em wantaim ol longpela pas bilong em long salim bal i go long fran.

Sine i lukim sampela spes na pairapim gol pos bilong Besta long bringim skoa bilong ol i go antap 2-0.

I no long taim, Wojen i putim wanpela, bihain long gutpela bal wok bilong Tawa wantaim Manase

long baksait.

Wojen i putim wanpela wankain gol we Peka i setim bilong em tasol referi tok em i bin opsait.

Yangpela straika bilong Besta, Max Segum i mekim bikpela wok long helpim kepten Ball na sut long gol maus long sekim umben bilong Gigira tasol olgeta taim, ol dispela kik bilong em i wok long popaia.

Collin Rimbao i kisim bikpela bagarap long namel long fil, long skelim bal i go long ol fowet tasol em i sot long sampela save tu taim ol bikpela brata, Gigira i lukautim fil.

Gutpela na stail pilai bilong Besta i winim lewa bilong tim menesa bilong Gigira, Stanley Khanna.

Em i tok ol dispela mangi em ol yangpela tru tasol ol i pilai wantaim strongpela bilip olsem ol man.

"Ol i bin pilai wanpela gutpela pilai nau.

"Ol i gat spit na gutpela stail bilong lukautim bal tu. Ol i kamapim het pen long ol mangi bilong mi long pes hap," Khanna i tok.

Em i tok sapos ol i stap wantaim na pilai olsem wanpela tim, ol bai kamapim planti het pen long ol arapela tim.

Las raun bilong NSL, raun 18 bai kamap long dispela wiken na Gigira bai bungim narapela strongpela birua bilong ol, Easi Loan Inter University long Lae.

Weekend Sports Draws

Henegaru Community Sports Association – NCD
Ista Tonamen – Ragbi lig dro
Good Fraide, Epril 2, 2010.

PRL Ovol 2.

'B' Gred.

0800	8 Mile Muruks	vs	Iyo Brothers
0840	Badili Tigers	vs	Uliano Sharks
0920	2 Mile Panthers	vs	POM Hawks
1000	POM Harve	vs	Nege Warriors
1040	Umoto Roucks	vs	Gerehu Eels

'A' Gred.

1100	8 Mile Muruks	vs	Iyo Brothers
1215	Badili Tigers	vs	Uliano Sharks
1330	2 Mile Panthers	vs	POM Hawks
1445	POM Harve	vs	Nege Warriors
1600	Umoto Rocks	vs	Gerehu Eels

Ista Sande Epril 4, 2010

'B' Gred

0800	2 Mile Panthers	vs	Umoto Rocks
0840	Gerehu Eels	vs	Nege Warriors
0920	Uliano Sharks	vs	POM Harve
1000	Badili Tigers	vs	8 Mile Muruks
1040	POM Hawks	vs	Iyo Brothers

'A' Gred.

1100	2 Mile Panthers	vs	Umoto Rocks
1215	Gerehu Eels	vs	Nege Warriors
1330	Uliano Sharks	vs	POM Harve
1445	Badili Tigers	vs	8 Mile Muruks
1600	POM Hawks	vs	Iyo Brothers

Mande Epril 5, 2010

Gren fainol na presentesen.

Soka fainol bilong ol meri – PRL ovol 2.

0800	3rd	vs	4th
0900	1st	vs	2nd

Ragbi lig semi fainol

1000	'B' Gred 3rd	vs	4th
1130	'A' Gred 3rd	vs	4th

Ragbi lig gren fainol

1330	'B' Gred 1st	vs	2nd
1430	'A' Gred 1st	vs	2nd

1600 Presentesen bilong ragbi lig na soka bilong ol meri.

Salim ol spots dro bilong yu i kam long
Feks 325 2579, e-mel; amolen@wantok.com.pg o
PO Box 1892, Boroko, NCD. Em i FRI.

Kriket makim 100,000 sumatin

■ **ikam long pes 28**

long NCD na 20 skul long narapela 12-pela provins.

Inap olsem 40, 000 na 50, 000 sumatin bai stap insait long "School kriket" program bilong CPNG we BSP em i mama sponsa long en.

BSP i putim K750, 000 insait long dispela wok we bai lukim em i givim K250, 000 long wanwan yia inap tripela yia olgeta.

Ol i sainim tok orait bilong dispela sponsasip long Fraide, Mas 19 long Mosbi tasol long Trinde dispela wik, ol i opim program long Wardstrip praimer skul.

Olgeta han bilong BSP insait long kantri bai helpim long ronim dispela program long wanwan ples em i go long en.

Wanwan rijinel menesa bilong CPNG tu bai lukautim ron bilong pro-

gram long dispela ol ples.

Sif eksekutiv opisa bilong BSP, Ian B. Clyne i tok ol i amamas long sapatim dispela program bilong CPNG.

Dispela sapat i mekim ol i kamap olsem wanpela bikpela sapat bilong ol spots program we i save makim ol liklik mangi na ol yut o yangpela manmeri bilong PNG.

Benk i tok amamas tu long CPNG long kamapim tingting long mekim dispela wok.

"Mipela i gat bilip olsem dispela program bai lukim na kamapim planti moa yangpela manmeri bilong ol ples we kriket ino save kamap strong bipo.

"Dispela i ken mekim PNG kamap wanpela strongpela kantri long kriket bihain long 5 o 10-pela yia bihain," Clyne i tok.

Dispela em i bikpela astingting tu bilong CPNG husat ol i bin traim long

kisim kriket i go long ol arapela provins insait long kantri planti yia nau.

Sponsasip bilong BSP bai no inap karamapim tasol ol ples we kriket i strong long en tasol bai go tu long ol arapela ples long Hailans, Momase, Sauten na Niugini ailans tu.

Ol ples we kriket i save kamap strong em NCD, Sentrol, Lae na liklik long Wes Nu Briten, Madang na Alotau.

BSP bai givim tu ol samting bilong pilai na strening olsem ol bet, bal na stamp bilong ol manki.

Wanpela kain program bilong ol sumatin we BSP i bin sapatim em Regional Tennis program wei kamap long 2009.

Dispela program i helpim planti yangpela manmeri long lainim, save na laikim tenis na nau ol benk i laik mekim wankain long kriket.

Hekari kisim PNG go insait long O'lig fainol



WIN: Alick Mamae i putim tupela gol bilong Hekari long helpim ol i winim Marists FC 4-1. POTO: Bustin Anzu.

Bustin Anzu i raitim

LONG namba wan taim tru, wanpela tim bilong Papua Niugini go insait long fainol bilong wanpela bikpela soka resis insait long Pasifik.

Dispela i kamap taim O' lig (League) tim bilong Papua Niugini, Hekari United i bin winim Solomon ailans tim, Marist FC 4-1 long Osenia pul B sempionsip pilai bilong ol las wik Sarere.

Pilai bilong ol long Lawson Tama stedium long Honiara i pulim planti sapota bilong asples tim, Marists tasol Hekari husat ol i gat sampela Solomon ailan pilai insait i pait bek strong tu.

Inap 7, 000 manmeri bin sindaun na lukluk long dispela pilai.

Hekari bin go pas 4 - 0 long hap taim bipo Marists i bekim wanpela gol long namba tu hap bilong gem.

Tripela bilong ol dispela gol i bin kam long ol Solomon ailan pilai bilong Hekari, Alick Maemae (tupela) na Henry Fa'arodo na Pita Bolatoga bilong Fiji putim wanwan.

Win bilong Hekari kisim ol i go pas long Pul B wantaim 13 poin, namba tu ples em Lautoka (Fiji) wantaim 12, Tafea bilong Vanuatu (8) na Marist i gat wanpela poin tasol.

Hekari nau i wet long bungim

Waitekere United bilong Nu Silan (New Zealand).

Waitekere i bin winim sans long stap insait long fainol bihain long ol i dro wantaim Auckland City (NZ) 2-2 long pul A.

Hekari na Waitekere bai pilai tupela gem, wanpela bai kamap long Mosbi long Epril 17 na narapela bai kamap

long Nu Silan long Me 2.

Tim i winim O'lig sempionsip bai go insait long wol klap sempionsip long Dubai long Disemba dispela yia.

Ol bai kisim tu US\$500, 000 long helpim ol i go long dispela tonamen.

UniTech (Lae), Sobou (Lae) na University (Mosbi) i bin traim bipo tasol sot.



WIN: Moukele wantaim trofi bihain long gem bilong ol. POTO: CPNG.

Moukele winim namba wan resis bilong ol meri

Andrew Molen i raitim

MOUKELE em namba wan tim long winim Sentrol kap kriket resis bilong ol meri.

Ol i winim Gabagaba long gren fainol long Mas 20 dispela yia long Gabagaba pilai graun.

Moukele i putim 3/114 insait long 10-pela ova long winim Gabagaba husat ol i paitim 4/81 tasol insait long wankain ova.

Olema Kila (26), Kopi Kwara (25) na Rakwa Kwara (34) bilong Moukele i kisim planti poin long helpim tim bilong ol i win.

Pilai kamap long asples bilong Gabagaba yet tasol ol ino bin inap long daunim Moukele husat ol i kam wantaim strongpela tingting long karim trofi go bek long ples bilong ol long Fisherman ailan.

Ake Daure i kisim bikpela skoa bilong Gabagaba we i lukim em i paitim 26.

Tasol olgeta i lukim olsem gem i pinis taim Ani Graham i autim Daure taim skoa bilong Gabagaba i stap yet long 41.

"Mipela i amamas long lukim ol meri pilaim dispela gutpela gem," ri-jinel menesa bilong Dulux Group, Doug Bell i tok.

Dulux i bin mama sponsa bilong dispela "Women's Central Cup" resis.

Daure i kisim luksave olsem pilai bilong dispela tonamen bihain long gutpela pilai bilong em i kam inap long fainol.

Rakwa Kwara i kisim awod olsem nambawan pilai bilong dispela gem bihain long em i paitim 34 we i lukim 5-pela bal i abrusim banis na i go autsait.

26 ples insait long Sentrol provins i kamap long dispela tonamen we i kamap long 11-pela ples insait long provins tu.

Wanwan pilai, semi fainol na fainol i kamap long wanwan ples.

"Mipela i gat bikpela amamas long gutpela sapot na helpim mipela i kisim long ol ples long dispela taim na mipela i lukfowet long holim kain tonamen gen ino long taim," nesanel gems developmen menesa bilong Cricket PNG, Gayan Loku i tok.

Em i tok tu olsem tupela tim wantaim i ken amamas bilong wanem dispela em i namba wan taim bilong dispela tonamen long kamap na tupela wantaim i go insait long fainol.

CPNG i kamapim dispela tonamen long amamasin nesanel tim bilong ol meri, Lewas, husat ol bai go long 2010 Pepsi Is Esia Pasifik (EAP) "Women's Trophy" long Sano, Siapan (Japan) long Mei.

PNG i stap namba 15 ples insait long wol long kriket bilong ol meri.

bemobile PAINIM BAL RESIS!

WINA!



Putim mak (X) long wanem hap yu ting bal i stap long en na salim i kam long:

**Bemobile
PAINIM BAL RESIS
WANTOK NIUSPEPA
P.O. Box 1982 Boroko,
NCD
Port Moresby.**

Bai yu gat sans long winim **sampela gutpela prais** i kam long Bemobile na **K100** i kam long Wantok Niuspepa long wanwan mun.

Lo bilong resis:
Ol wokmanmeri bilong Wantok Niuspepa no inap pitai long dispela resis. Wantok Niuspepa tasol bai i makim wina. Nogat potokopi.
Taim bilong dro em bihain long foapela wik bai ol i droim wina na nupela pilai bai i stat gen. Nem bilong wina bai kamaut long pepa neks wik bihain long dro.



bemobile WANTOK

Wina bilong dispela Painim Bal Resis em:

Leo Bito, 44 krismas

Galai Setolmen C/- P.O. Box 592

Mobail: 719 44389

Kimbe, West Niu Boriten Provins

Ringim Allan Tolire long 325 2500 long kisim prais bilong yu!

Katim na salim i kam

Murat lukluk long ol yangpela

Andrew Molen i raitim

LUKAUTIM na kamapim gutpela luksave bilong ol yangpela manmeri em bikpela tingting bilong Murat soka klap bilong Pot Mosbi Soka Asosiesen (PMSA).

Planti arapela klap na ol wanwan grup na asosiesen tu i save gat wankain tingting long ol wok bilong ol.

Tasol Murat i save mekim long rot bilong em yet.

Gutpela pilai bilong Murat insait long PMSA i lukim ol i kamapim planti gutpela pilaia bilong asosiesen pinis.

Ol i helpim tu long kamapim planti gutpela manmeri bilong komyuniti pinis.

Dispela wik, BSP benk i luksave long gutpela wok na tingting bilong ol na i helpim ol wantaim sampela samting bilong trening na pilai.

Benk i givim ol sampela siot na bal bilong helpim ol long trening na tu long pilai.

Vais presiden bilong klap, Lynmah Philip, i tok dispela kain helpim bai strongim klap long lukautim na helpim yet ol yangpela manmeri kamapim ol gutpela samting insait long gem bilong ol na tu long komyuniti bilong ol wanwan.

"Sapot bilong BSP bai helpim mipela gut dispela sisen," Philip i tok.


BSP long insait long wanpela stetmen pepa olsem ol i amamas long helpim ol yangpela manmeri long ol liklik samting we bai helpim ol long kamap gutpela long wanem samting ol i save mekim.

"Mipela i bilip olsem olgeta manmeri ken mekim wanpela samting olsem na mipela i amamas long helpim ol i painim na luksave long dispela driman na bilip bilong ol," BSP i tok.

Murat klap i kisim nem bilong en bihainim ol St Mathias grup bilong ol ailan i stap long Nu Ailan provins tasol ol pilaia bilong en i kam long olgeta hap bilong PNG.

Planti bilong ol em ol sumatin na ol yangpela manmeri husat i no wok.

Gurias givim bek trofi



KISIM BEK: Noel Pearson bilong Agmark (lephan) i makim ol Gurias long givim trofi go long Chris Raps bilong bemobile las wik long Mosbi. *POTO: bemobile.*

AGMARK Gurias i givim Bemobile kap trofi kam bek long opis bilong Bemobile las wik Sarere bihain long 6-pela mun.

Ol Gurias i bin winim Toyota Mioks 24-14 long namba wan gren fainol bilong nupela spona bilong gem, Bemobile, long 2009.

Ol i givim trofi kam bek long Bemobile long putim i stap gen bilong ol Gurias na ol arapela tim tu long resis long en gen dispela yia.

Dispela yia, ol Simbu Warriors bai kam bek insait long nesanel ragbi lig resis bilong Papua Niugini na dispel bai kisim namba bilong ol tim insait long resis i go long 9.

Kam bek bilong ol Warriors tu bai givim gutpela salens na strongim pilai moa.

Pilai bai stat long Epril 25.

Bemobile i lukluk tu long mekim ol gem i kamap gutpela bilong olgeta manmeri long kam lukim na i noken pret long ol pait o hevi kamap.

Ol i amamas long lukim olsem pasin bilong ol manmeri wok long senis na long 2009 ol samting i ron gut moa long ol yia bipo.

Sif komesol opisa (Chief Commercial Officer) bilong Bemobile, Chris Raps i tok wanpela bikpela astingting bilong ol em long lukim olsem nogat hevi kamap na olgeta manmeri ken kamap long lukim nambawan gem bilong ol.

Bemobile i promis olsem 2010 sisen bai gutpela moa yet.

Planti senis bai kamap long Rangers

■ ikam long pes 28

Em i tok ol bai rausim sampela ol pilaia bilong las tupela yia husat ol ino bin pilai gut o ino helpim tim gut tumas.

"Mipela bai lukluk tu long kisim sampela ol pilaia bilong ol arapela provins na tim long las yia i kam insait long Rangers dispela sisen," Unagi tok.

Seleksen bilong ol Rangers bai stat dispela wiken taim ol i kamapim Ista kap resis bilong ol long Hohola long Nesenel Kapitol Distrik.

Ol pilai bai stat long Fraide na pinis long Mande long wik i kam.

"Insait long dispela tonamen bai mipela i lukluk long ol pilaia na bihain long dispela tonamen bai mipela i tokaut long skwat bilong Rangers bilong dispela yia," Unagi tok.

Em i tok tu olsem ol i laik holim bek sampela ol sinia pilaia tasol dispela ol pilaia tu i mas soim olsem ol inap long pilai na karim tim strong yet.

"Ol pilaia olsem Johnson Kuike, Aaron Mulunga na Simon Young em mipela i laik holim i stap long tim tasol ol tu i mas pilai gut," Unagi tok.

Long 2009 sisen, ol Rangers i bin mekim bikpela senis long tim we i lukim spona bilong ol, Kelly Aiyok i bin kisim sampela ol biknem pilaia bilong olgeta hap long PNG i kam.

Namel long ol em 5-pela Kumul tasol ol Rangers i go sot long namba wan wik bilong fainols resis.

Wantok ino bin inap long kisim toktok bilong Aiyok na kosa Dokta James Naipao tasol i gat bilip olsem dispela tonamen bai ron olsem long 2009.

Dispela em we Rangers bai mekim namba wan seleksen na wanem ol pilaia ol ino kisim em ol CIVPAC NCD Vipers i ken kisim bilong ol.

Nandex sapotim Sondo

Andrew Molen i raitim

KIKBOKSING promota, Stanley Nandex i givim sapot bilong em long Mark Sondo husat i lusim kikboksing long kamap profesenol boksa.

"Mi amamas long Mark na mi laikim olsem samting em i mekim em long gutpela bilong em na i no kamap nating," Nandex i tok.

"Sapos em i save olsem em i mekim gutpela samting we bai helpim em orait mi amamas na mi sapotim tingting bilong em.

"Mi bai amamas long Mark na husat ol arapela tu i mekim samting long ol yet tasol ol i mas mekim gut na ino long mekim nating long kisim mani o biknem tasol," em i tok.

Nandex i tok tu olsem em ino amamas long Sondo ino askim em long givim sampela kain helpim long em tu.

"Mi nap long helpim em painim sampela boksing pait bilong em tu sapos em i askim mi.

"Mi save long planti ol promota na paitman long ovasis na mi ken helpim em long dispela eria tu," Nandex i tok.

Sondo i kisim askim i kam long klap bilong wol sempion, Anthony Mundine long go trening na pait long Australia dispela yia.

"Mi 29 krismas nau na mi no laik wet moa bilong wanem mi wet longpela taim pinis," Sondo i tok.

Em i bilip tu olsem tingting bilong em long go joinim boksing em i gutpela na em bai kisim planti gutpela



SAPOT: Nandex i amamas long Sondo i go joinim profesenol boksing long Australia. *POTO: Andrew Molen.*

samting long hap.

Nandex tu i amamas long dispela bilong wanem em i tok Sondo i gutpela long pait long han olsem na em bai nap long boksing.

Sondo i wanpela nambawan paitman bilong Nandex na i winim planti taitol long amata na profesenol level wantaim bilong kikboksing.

Sondo bai bung wantaim nara-pela PNG boksa, Kartu Arang taim em i go daun long Australia long pinis bilong dispela mun.

Arang tu i save stap trening na pait aninit long klap bilong Mundine.



S P O T S



free K3 credits every week



Leave your bemoobile phone switched on and we'll text you every week with your weekly FREE K3 Credit until May 1. * Conditions apply

bemobile toktok moa

Kriket makim 100,000 sumatin

Bai stat wantaim 50,000 long 2010

CRICKET PNG (CPNG) wantaim helpim bilong BSP benk i bilip olsem ol bai nap skulim 100,000 sumatin long pilai kriket taim 2011 i pinis.
Ol bai mekim dispela aninit long wanpela program bilong ol skul we

bai stat dispela yia.
Dispela bai lukim ol sumatin namel long 10 na 16 krismas i gat sans long lainim na pilai kriket insait long wanpela resis bilong ol yet. Program bai stat long 2010 we bai lukim em i go insait long 50 skul

Moa long Pes 25.

POTO: BSP.

SOIM: Bonnie David bilong CPNG i soim wanpela Wardstrip sumatin long pilai long Mosbi long Trinde dispela wik.

Planti senis bai kamap long Rangers

Andrew Molen i raitim

PLANTI senis bai kamap long tim bilong ol Masta Mak City Rangers dispela yia insait long bemoobile kap resis.

Dispela ol senis bai kamap bihain long ol i traim hat long las tupela yia tasol ino bin i gat sans long go insait long fainol.

Siaman bilong ol selekta bilong Rangers, Samson Unagi tok ol bai lukluk nau long ol pilai husat i pilai gut na i ken stap strong long stat bilong gem i go inap long pinis.

"Mipela i laikim ol pilai husat i soim olsem tru ol i ken pilai," Unagi tok.

Moa long Pes 27.

Hekari kisim PNG go long O' lig fainol. Pes 26.

Langer tok sori long bikhet bilong em. Pes 23.

NISSAN NAVARA D22

4WD Double Cab Utility

DRIVIM IGO

K78,900

NISSAN SHIFT the way you move

- Stronpela 3.2 Lita Desel
- Air Condisen
- AM/FM Radio Kaset
- Baket Sit

BOROKO MOTORS

PORT MORESBY PH: 325 5255
LAE PH: 472 1144
MT HAGEN PH: 542 1833
TABURIL PH: 649 9048

KIMBE PH: 983 5035
MADANG PH: 422 2550
RABAUL PH: 982 8193

Piksa bilong edvetismen tasol.

